



世一史約編 四

リ伊8
2.468
4



門 伊
種 2.468
卷 4



世一史約編

吳興 鄭元慶 芷畦 述

徐秋 蔓蘭 仲

宜宸 詔來 廷

示鴻 猷銘 岳 編次

同學

龐 祁雲 公

全輯

龐 祉介 繁

男惟 鞠恃 何

南史全目 與朱齊梁陳四書無甚同異故不錄

本紀十

列傳七十

宋書全目 正史

全目

行

帝紀十

武帝三

少帝

文帝

孝武帝

前廢帝

明帝

後廢帝

順帝

志三十

志序

曆二

禮五

樂四

天文四

符瑞三

五行五

川郡四

百官一

列傳六十

后妃

孝穆趙后 孝懿蕭后 武敬臧后 張夫

少帝司馬后 文元袁后 潘淑妃 前廢

帝何后 文沈婕妤 明恭王后 後廢帝

劉穆之王弘

徐羨之傅亮檀道濟

謝晦

王鎮惡檀韶向靖劉懷慎劉粹

趙倫之到彦之王懿張劭

劉懷肅孟懷玉弟龍符劉敬宣檀祗

朱齡石弟超石毛修之傅引之

孫處蒯恩劉鍾虞丘進

胡藩劉康祖垣護之張興世

宗室長沙景王道憐弟鮑照營浦侯遵考從子季連臨川烈武王道規但武帝

庾悅王誕謝景仁弟袁湛弟褚叔度

張茂度子庾登之弟炳謝方明江奇

孔季恭子元保沈曇慶

臧燾徐廣傅隆

謝瞻孔琳之

蔡廓子興宗

王惠謝弘微王球

殷淳子孚弟冲淡張暢何偃江智淵

范秦王淮之王韶之荀伯子

武三王盧陵孝獻王義真衡陽文王義季江夏文獻王義恭

羊欣張敷王微

宋

王華王曇首殷昇仁沈演之

鄭鮮之裴松之何承天

吉翰劉道產杜驥申恬

王敬弘何尚之

謝靈運

武二王彭城王義康南郡王義宣

劉湛范曄

袁淑

徐湛之江湛王僧綽

文九王

南平穆王休和始安王休仁建平宣簡王宏晉熙王休和湯王休業臨慶冲王休倩新野懷王夸父巴陵哀王休若

顏延之

臧質魯爽沈攸之

王僧達顏竣

朱脩之宗慤王元謨

柳元景顏師伯沈慶之

蕭思話劉延孫

文五王竟陵王誕廬江王祚武昌王渾陵王休茂桂陽王休範海

全目

四竹

孝武十四王

豫章王子尚 晉安王子勛 松滋
 侯子房 臨海王子頊 始平孝敬
 王子鷺 永嘉王子仁 始安王子
 真 却陵王子元 淮南王子疏
 晉陵孝王子雲 南海哀王子師
 淮陽思王子霄 東平王子嗣 武
 陵王贊

劉秀之 顧琛 顧凱之

周朗 沈懷文

宗越 吳喜 黃回

鄧琬 袁顥 孔顥

謝莊 王景文

殷孝祖 劉劭

蕭惠開 殷琰

薛安都 沈文秀 崔道回

袁粲

明四王 仰陵 虜王友 藍陽王翽
 新興王嵩 始建王禧

孝義 龔穎 劉瑜 郭世道 嚴世期 吳達
 潘綜 孫法宗 蔣恭 張進之 許昭先

余齊民 孫棘

良吏 王鎮之 杜慧度 徐裕 陸徽
 阮長之 江秉之 王歆之

隱逸 戴顥 宗炳 周續之 王弘之 阮萬齡
 孔淳之 劉凝之 龔視 翟法賜 陶

全日

五

竹

宋

潛宗或之沈道虔郭希林雷次宗
戴法與戴明寶徐爰阮佃夫于天
寶壽寂之姜產之李道兒于道隆
楊運長

索虜

鮮卑吐谷渾

夸蠻

扶南阿羅單婆皇婆達關婆達
師子天竺迦毗黎高句驪百濟
倭荆離州蠻
豫州蠻

氏胡胡大沮渠蒙遜張掖

二凶元凶劬始興王濬俱文帝子

自序

齊書全目 正史

本紀八

高帝二

武帝

鬱林王

海陵王

明帝

東昏侯

和帝

志十一

禮二

樂

全目

齊

天文二

州郡二

百官

輿服

祥瑞

五行

列傳四十

皇后

宣孝陳后 王后

鬱林

高昭劉后 何妃

海陵王妃

武穆裴后 支安 明敬劉后

東昏褚后 和帝王后

文惠太子

武帝子

豫章文獻王

高祖子

褚淵

弟澄 徐嗣王儉

柳世隆張瓌

垣崇祖張敬兒

王敬則陳顯達

劉懷珍李安王元載

弟元逸

崔祖思劉舍明蘇侃垣榮祖

呂安國

全景文

周山圖周盤龍王廣之

薛淵戴僧靜桓康焦度曹虎

江謐荀伯玉

王琨張岱褚炫何戡王延之阮瞻

全目

七

首

王僧虔張緒

虞玩之劉休沈冲庾泉之王湛

高祖十二王

臨川獻王映 長沙夙王晃 武陵昭王暉 安城恭王高 鄱陽王鐸 桂陽王鐸 始興簡王鑑 江夏王鋒 南平王銳 宜都王鑑 晉王球 河東王鈞

謝超宗劉諄

到撫劉悛虞棕胡諧之

蕭景先蕭赤斧 子穎胤

劉焯弟陸澄

武帝十七王

竟陵侯子譽 安陸王子敬 晉安王子懋 隨郡王子隆 建安王子真 西陽王子明 南海王子罕 世陵王子倫 卻陵王子貞 臨賀王子岳 西陽王子文 衡陽王子峻 南康王子琳 湘東王子建

張融周顒

王晏蕭詵蕭坦之江祚

江斡何昌寓謝瀟王思遠

徐孝嗣沈文季

宗室

衡陽元王道度 始安貞王道生 俱高祖兄 遙光遙欣遙昌 安陸昭王緬

全目

八

作

王秀之王慈蔡約陸慧曉顧憲之蕭惠基

王融謝朓

袁象孔稚珪劉繪

王奐從弟張沖

文二王巴陵王昭秀明七王巴陵隱王寶義江

桂陽王昭粲夏王寶元盧陵王

寶源鄱陽王寶寅邵陵王寶攸

裴叔業崔慧景張欣泰

文學丘靈鞠檀超下彬丘匡源下賀深

淵陸厥崔慰祖王遂之禮沖之賈

長政沈憲李珪劉懷恩裴昭明

高逸褚伯玉明會紹顧歡藏榮緒何

吳苞劉蚪庾易宗測杜京產沈麟士

孝義崔懷慎公孫僧遠吳厥之韓係伯

孫淡華寶韓靈敏封延伯吳達之

樂願王女珠朱謙之蕭獻明

倖臣紀僧真劉係宗茹法亮

魏虜呂文顯呂文度

巒東南吞

苜苜虜河南氏羌

本紀六

武帝三

簡文帝

元帝

敬帝

列傳五十

皇后

太祖張后 武帝祿后 丁貴嬪 阮修容 簡文王后 元帝徐妃

太子

昭明太子統武帝子 哀太子人器簡文子 愍懷太子方矩元帝子

王茂曹景宗柳慶遠

蕭穎達夏侯詵蔡道恭楊公則鄧元起

張弘策庾域鄭紹叔呂僧珍

柳惔

弟 沈 席闡文 韋叡 族弟 愛

范雲沈約

江淹任昉

謝朓

弟子 覽

王亮張稷王瑩

王珍國馬仙琕張齊

張惠紹馮道根康絢呂義之

宗夬劉坦樂藹

劉季連陳伯之

王瞻王志王峻王暕

子訓王泰王份

孫錫張充柳惔

蔡樽江蒨

太祖五王

臨川王安 鄱陽王恢

安成王秀 南平王偉

長沙嗣王業

子孝儼 弟藻

永陽嗣王伯游 衡陽嗣王元

簡桂陽嗣王象

俱武帝姪

蕭景

弟昂 昂昱

周捨徐勉

范岫傅昭

弟映蕭琛陸泉

陸倕到洽明山賓殷鈞陸襄

裴邃

兄子之高 之平之橫

夏侯亶

弟夔 魚弘韋放

武帝三王

南康王績 邵陵王綸

廬陵王績

裴子野顧協徐摘鮑泉

袁昂

子君正

陳慶之蘭欽

元暕王融

王融

王僧孺張率劉孝綽王筠

張綱

弟績 綱

蕭子恪

弟子範子顯 子雲子暉

孔休源江革

謝舉何敬容

朱昇賀瓌

元法僧元樹元願達王神念楊華牟侃子牟鴉仁

司馬襲劉顯劉之遴弟之許懋

王規劉毅字慎王承褚翔蕭介從兄褚球劉孺弟賢劉

潛弟孝勝孝威殷芸蕭幾

臧盾弟傅岐

韋榮江子一弟子四張曠沈浚柳敬禮

簡文十一王潯陽王大心南海王大臨南郡王大連安陸王大春瀏陽王大

五王新興王大莊西陽王大鈞

武寧王大威建平王大球義安

王大斯緩元帝二子忠壯世子方

于方諸等貞惠世

王僧辯兄崖弟幼陰子春

胡僧祐徐文盛杜崩安兄子龕庾黑婁吉玃

孝行滕曇茶甄恬沈崇係荀匠劉曇靜何爛庾沙

儒林伏曼容何佟之范縝嚴植之賀場

盧廣 沈峻 六史叔明

孔子祛 皇侃

文學 到沈 丘遲 劉苞 袁峻 庾於陵弟局

吾 劉昭 何遜 鍾爍 周與嗣

文學 劉峻 劉洽 謝幾卿 劉臨 王籍 何

思澄 庾仲容 陸雲公

處士 何黠弟亂 阮孝緒 陶弘景 諸葛璩

沈顛 劉惠斐 范元琰 劉訐 劉歌

止足 顧憲之 陶季直 丘仲孚

蕭詠素 范池 丘仲孚

諸谷 林邑扶 南盤盤丹于陶利狼牙修婆利中

天竺師 子 高句驪百濟新羅倭文身大漢

扶桑 河南高昌滑周古何阿跋檀胡蜜丹

白題龜 茲于闐渴盤陀未波斯宕昌鄧至武

豫章王綜 武陵王紀 俱武 臨賀王正德 武帝 河東

王舉 昭明太子 侯景

陳書全目 正史

本紀六

高祖 文帝

廢帝 宣帝

後王

列傳三十

皇后

高祖章后 宣帝柳后

文帝沈后 廢帝王后 後王沈后張貴妃

杜僧明周文育

子寶 侯安都

侯瑱歐陽頔

子 異明徽 裴子 烈

周鐵虎程靈洗

子 文 平

黃法氈淳于量章昭達

胡穎徐度

子 敬 杜稜沈恪

徐世譜魯悉達周敷荀朗

子 法 周良

衡陽獻王昌

高祖子 南康愍王曇明

高祖弟子子 方泰方慶

宗室

陳擬 陳慧紀 陳善

趙知禮蔡景歷劉師知謝岐

王冲王通

弟 袁敬 兄子 樞

沈衆袁泌劉仲威陸山才王質韋載

族弟 嶽

沈爛

虞翳 弟 馬樞

到仲舉韓子高華皎

謝哲蕭乾謝暉王固張種蕭允

弟 孔奐

陸子隆錢道戢駱牙

沈君理王瑒陸繕

周弘正弟弘 袁憲

裴忌孫場

徐陵子儉 份儀

江總姚察

文帝九王 始興王伯茂 鄱陽王伯山 晉安王

伯恭 衡陽王伯信 廬陵王伯仁 江夏王伯義 武陵王伯禮 宜帝廿九

承陽王伯智 杜陽王伯謀 豫章王叔英 長沙王叔堅 建安

王叔卿 宜都王叔明 河東王叔 新蔡王叔齊 晉熙王叔文 淮

嚴岳陽王叔慎 義陽王叔達 湘東王叔 山王叔雄 武昌王叔虞 南郡王叔

平臨賀王叔敖 陽山王叔宣 西 陽王叔穆 南安王叔儉 南郡王叔

澄沅陵王叔興 岳山王叔節 新 興王叔純 巴東王叔謨 臨海王叔

顯新會王叔道 新寧王叔隆 後王 新昌王叔榮 太原王叔匡

諸子 皇太子深 吳興王胤 南平王 疑 永嘉王彥 南海王度 信

義王祗 却陵王兢 會稽王莊 東 陽王恮 吳郡王藩 錢唐王恬

宗元饒司馬申毛喜蔡徵

蕭濟陸瓊子從 顧野王傳緯 華章

蕭摩訶子世 任忠樊毅弟 魯廣達

陳

孝行

殷不害弟不佞
司馬嵩 張昭

謝貞

儒林

沈文阿 沈洙
德威 賀德基

戚袞 鄭灼 張崖 陸詡 沈不
全 緩 張譏 顧越

害 王元規

文學

杜之偉 顏晃 江德藻 庾持 許亨
褚玠 岑之敬 陸瑒 弟瑜 從兄玠 弟璪

何之元

徐伯陽

張正見

蔡凝

阮卓

熊曇朗 周迪 劉異 陳寶應

始興王叔陵 新安王伯固

叔陵 宣帝子
伯固 文帝子

北齊書全目

僭史 稍節

本紀八

神武二

文襄

文宣

洋

廢帝

殷

孝昭

演

武成

湛

後主

緯

幼主

桓

列傳四十二

皇后

神武妻后
元后 武成胡后

文襄元后

文宣李后

孝昭
穆后 後主斛律后 胡后

高祖十一王

滂

淹

液

渙

清

潛

文襄六王

孝瑜 孝瓘

孝珩 孝珽

孝琬 孝琰

孝琰

孝琰

全目

附錄

十六

竹

北齊

文宣四王

紹德 紹義 紹廉 紹昭 六王 百年 彥德 彥康

彥忠 彥理 武成 十二王 綽 儼 廓 貞 仁英 仁光 仁幾

仁邕 仁直 仁儉 仁謙 仁雅

宗室

岳 樂

宗室

盛 永樂 顯國 思宗 歸彥 普 靈山

實泰尉景婁昭庫狄于韓軌潘樂

段榮

斛律金

孫騰高隆之司馬子如

賀拔九蔡備韓賢尉長倫王懷劉貴任延敬莫多

婁貸文高士貴庫狄廻洛庫狄盛薛孤延張保

洛侯莫陳相

張瓊斛律羨舉堯雄宋顯王則慕容紹宗薛循義

叱利平步大汗薩慕容儼

高乾封隆之

李元忠盧文偉李義深

魏蘭根崔陵

孫寧陳元康杜弼

全目

十七

竹

張纂、張亮、張耀、趙起、徐遠、王峻、王紘

薛琚、敬顯、雋、平鑒

方侯晉、可、朱渾元、劉豐、破六韓常、金祚、韋子粲

元思、元斌、元孝友、元暉業、元彌、元韶

李渾、李璵、鄭述祖

崔暹、高德政、崔昂

王昕

陸法和、王琳

蕭明、蕭祗、蕭蕭、退蕭放、徐之才

楊愔

裴讓之、皇甫和、李構、張宴之、陸邕、王松年、劉禕

邢邵

魏收

辛術、元文遙、趙彥深

崔季舒、祖斑

尉瑾、馮子琮、赫連子悅、唐晏、自建

暴顯、皮景和、解于世榮、綦連猛、元景安、獨孤、永業

傅伏、高保寧

全目

六

竹

陽華盧潛存劬盧叔武陽休之袁聿修

李稚廉封述許惇牟烈源彪

儒林 李鉉 刁柔 馮偉 張買奴 劉執思
鮑季諱 刑峙 劉書 馬敬德 張景仁

權會 張思伯 張雕
孫靈暉 石懼

文苑 祖鴻勳 李廣 樊遜
劉沈 荀上遜 顏之推

循吏 張華原 宋世良 郎基 孟業
崔伯謙 蘇瓊 房豹 路去病

酷吏 邱珍 朱遊道
盧斐 畢義雲

外戚 趙猛 婁叡 爾朱文暢 鄭什禮
李祖升 元蠻 胡長仁

方伎 由吾道榮 王泰 信都方 宋景業
吳遵世 趙輔和 皇甫玉 解法

思倖 郭秀 和士開 穆提婆
高阿那肱 韓鳳 韓寶業

後周書全目 僧史 稍節

本紀八

文帝上下 宇文泰

孝閔帝覺 明帝 毓

武帝上下 卷

宣帝 贊 靜帝 珩

列傳四十二

全目

上

竹

皇后

諸公

顯仲

連

洛水

晉蕩王護

此羅協馮遷

齊煬王憲

文閔明武諸子

賀拔勝念賢

寇洛李弼于謹

趙貴獨孤信侯莫陳崇

梁禦若干惠怡峰劉亮王德

王熊王思政

達奚武侯莫陳順豆盧寧宇文貴楊忠王雄

王盟賀蘭祥尉遲綱叱列伏龜關慶

尉遲廻王謙司馬消難

周惠達楊寬柳慶

蘇綽

盧辯

李賢

長孫儉孫紹遠斛斯徵

赫連達韓果蔡祐常善辛威庫狄昌田弘梁椿梁

臺宇文測

史寧陸騰賀若敦權景宣

王傑王勇宇文虬宇文盛耿豪高琳李相伊婁穆

楊紹王雅達奚實劉雄侯植

竇熾于翼

韋孝寬韋夔梁士彥

申徽陸通柳敏盧柔唐瑾

庫狄峙楊薦趙剛王慶趙昶王悅趙文表

趙德元定楊標裴寬楊敷

鄭孝穆崔謙崔猷裴俠薛端薛善

鄭偉楊纂段承王士良崔彥穆令狐整同馬希蔡

果 子孝在

寇儻韓褒趙肅張軌李彥郭彥裴文舉

蘇亮柳蚪呂思禮薛愷薛真李昶元偉

韋瑱梁昕皇甫璠辛慶之王子直杜臬

尉遲運王軌宇文神舉宇文孝伯顏之儀

王褒庾信

蕭瑒蕭世怡蕭圓肅蕭大園宗懌劉璠柳霞

李延孫韋祐韓雄陳忻魏元

泉企李遷哲楊乾運扶猛陽雄席固任果

儒林 盧誕 盧光 沈重 樊深 熊安生 樂遜

孝義 李棠 柳檜 杜叔毗 荆青 秦族 皇甫退 張元

藝術 龔儵 蔣昇 姚僧坦 褚諒 黎景熙 趙文深

蕭譽 蕭景熙 趙文深 褚諒

異域 高麗 百濟 巒 岩昌 鄒至 白蘭 氏 稽胡 庫莫奚

異域 突厥 于闐 高昌 粟特 安息 焉耆 龜茲

隋書全日 正史

帝紀五 文帝 宣帝 高祖 煬帝

高祖 上下 煬帝 上下

恭帝 宣帝 高祖 煬帝

志三十 禮儀 音樂

禮儀 七 音樂 三

律曆 三 天文 三

五行 二 食貨 三

刑法 百官 三

地理三

經籍四

列傳五十

后妃

文獻獨孤后 宜華夫人陳容華夫人蔡煬帝蕭后

李穆

子暉兄子恂 崇崇子敏 梁睿

劉昉鄭譯柳裘皇甫績盧賁

于義

子宜道 陰壽 子世師 骨儀附 竇榮定 元景山 源雄 豆

高謙覽

子敏 賀若誼

梁士彥

子宇文忻 王誼 元諧 王世積 虞慶則 元胃

高頴蘇威

李德林

河間王弘

子楊處綱 楊子崇 觀德王榮 弟

滕穆王瓚

嗣王 道悼王 靜衛昭王 爽 嗣王 蔡王智

積

文四子

房陵王 勇子 儼 秦孝王 俊子 結 庶人 秀 庶人 諒

趙爽 趙芬 楊尙希 長孫平 元暉 韋師 楊昇 蘇孝慈

兄弟

沙羅 李雄 張煥

韋世康

弟 洸 藝 冲 柳機 子 述 弟 旦 肅 從 兄 雄 亮 從 子 譽 之 族 兄 昂

楊素

弟 約 煥 父 文 思 文 紀

全目

廿三

竹

牛弘

宇文慶李禮成元孝知弟郭榮龐晃李安

長孫覽從子熾

韓擒虎弟僧賀若弼

達奚長孺賀婁子幹史萬歲劉方

王長述李徹伊婁謙田仁恭元亨杜整李徹崔彭

杜彥高勵秦朱做周搖獨孤楷乞伏慧張威和洪

侯莫陳穎

盧愷令狐廐薛冒宇文弼張衡楊汪

盧思道從兄昌衍季元操陸道衡從弟

明克讓魏澹陸爽侯杜臺卿辛德源柳謩許善心

李文博

楊三子元德太子昭齊王暕

崔仲方宇文仲文兄凱從弟段文振

宇文述郭衍

王韶元巖劉行本梁毗柳彧趙綽裴肅

樊子蓋史祥元壽楊義臣衛元劉懽

李圓通陳茂張定和張禰麥鐵杖沈光來護兒魚

俱羅陳稜王辯解斯

周羅暎周法尚李景慕容三藏畢世雄王仁恭權

武可萬緒董仁趙才

李諤節宏裴政柳莊源師郎茂高構張虔威榮毗

陸知命房彥謙

虞世基裴蘊裴矩

宇文愷閻毗何稠

王劼袁充

楊元感李子雄趙元淑李密裴仁基

誠節劉弘張須陁皇南謝陶獨孤盛元文都

楚堯君素劉子翊

孝義陸彥師田德懋薛睿王頒楊慶

郭儁田翼郭德饒郭德饒

循吏梁彥光樊叔擊趙軌房恭懿公孫

景茂辛公義柳儉劉曠王柳魏

酷吏庫狄士文田式燕榮趙仲卿

儒林元善辛彥之何妥房暉遠

文學劉臻王頗崔儼褚葛穎孫萬壽

王貞虞綽王胄庾自直潘徽杜

隋

正元

隱逸

李士謙 崔廓
徐則 張文詡

藝術

庾季才 盧太翼 耿詢 韋鼎 來和
蕭吉 楊伯醜 臨孝恭 劉祐 張胃元

許智藏

萬寶常

外戚

獨孤羅弟陀
蕭歸子琮 璫

列女

蘭陵公主 南陽公主 襄城土妃 華陽
王妃 譙國夫人 鄭善果母 孝女王舜

韓覬妻 陸襄母 劉利女 鍾土雄母
孝婦單氏 元務光母 裴倫妻 趙元

階妻

東夸

高麗 百濟 新羅
蘇羯 流求 倭

南蠻

林邑 赤土
真臘 婆利

西域

吐谷渾 黨項 高昌 康安 石女
焉耆 龜茲 疎勒 于闐 鏃汗 吐

火羅 泥恒 米史 曹何
烏那曷 穆波斯 附

北狄

突厥 鐵勒
奚 契丹

宇文化及

弟智及司馬 王充 段
德哉 裴皮 逆 達

侯斬白題將一人服虔注云白題胡名也又漢定遠侯擊虜入滑從之此殆其後子人服其博識子野自苑死期不遇庚戌果驗

宋高祖 姓劉名裕字德興小字寄奴彭城人父翹為郡功曹帝初為劉牢之參府軍事後征討有功加彭城內史封宋公進爵為王年受晉禪即皇帝位

少帝 名義符高祖長子

文帝 名義隆高祖三子

武帝 名駿文

廢帝 名子業武帝長子

明帝 名彧文帝十一子

蒼梧王 名昱明帝養子

順帝 名準明帝養子

齊書

梁蕭子顯齊豫章王上巖之孫江淹受詔為齊志沈約復著為齊紀

齊太祖

姓蕭名道成字紹伯小字蘭陵人蕭何之後父承之為宋漢中太守遷有軍將軍帝

仕宋數征討有功封齊公進爵為王年受宋禮即皇帝位

武帝 名願太祖長子

鬱林王 名昭業武帝孫

海陵王 名昭業武帝孫

明帝 名鸞太祖兄子

康昏侯 名寶卷明帝二子

和帝 名寶融明帝八子

梁書

唐姚思廉本名節以字行吳興人初仕隋為代王侑侍讀高祖入京王府僚皆奔亡獨思廉侍兵升殿思廉抗聲曰唐公起義本安王室若等不宜無禮眾卻刺塔下高祖義之太宗嘗語及隋事慨然曰姚思廉蒙素刃以明大節真古人所難為贈物三百段拜散騎常侍豐城縣男奉詔撰梁陳二書

身書凡五
十六卷

梁高祖 姓蕭名衍字叔達小字練見與齊同四世祖

起兵入建康立和帝封梁公進爵為王尋受齊禪即皇帝位

簡文帝 名綱高祖三子 元帝 名繹高祖七子

敬帝 名方智元帝九子

後梁 蕭衍 梁末 蕭詧 梁末

陳書 唐姚思廉本 凡二十六卷

陳高祖 姓陳名霸先字興國小字法王琅琊人為廣州刺史討長城公又為相國封陳公

文帝 名蒨高祖子 廢帝 名伯宗文帝長子

宣帝 名頊文帝弟 後主 名叔寶宣帝長子

東魏 拓跋善見 西魏 拓跋寶炬 欽

北齊書 唐李百藥字重規博陵人父友陸父諱徐陵文

郗子籍稍杜預謂在瑯邪座客大驚號奇童父德

林在齊預修國史至開皇中續成之已上史官藏

之秘府貞觀初百藥官左庶子詔修齊史乃仍其舊錄雜採他書演為五十卷

北齊 高洋 周書 唐令狐德棻華原人以紫金光祿大夫致仕武德

時經大亂之後秘書湮缺德棻請帝購求天下遺書于是數年而圖書略備已後建言近代無正史梁陳齊文籍猶可據至周陪事多損脫陛下受

南七史 竹

禪于隋承周宜各為一正史帝然之丁是德蔡奉詔同岑文本崔仁師定周史書成凡五十卷

周宇文覺

字文覺 毓

隋書

唐魏徵字元成魏州人隋末世亂常詭為道士以十策于李密密不能用事隱太子太子敗乃事太宗

宗自以不世遇為展盡底蘊歷二百餘奏無不剴切當帝心者貞觀中詔顏師古孔穎達修述隋史

徵總其事序論皆徵所著共八十五卷師占字子

籍亞聖爵官秘書監穎達字仲達至聖裔官司業

隋高祖

姓楊名堅小字那羅延華陰人父忠仕魏有功賜姓普六茹氏後仕周封隋國公帝為小

宗伯襲封有女配宇文贊贊廢矯詔

受遺命輔政遂受周禪即皇帝位

湯帝 名廣高 祖二子

恭帝 名侑 帝孫

越于仁湯帝孫王世充奉之亦

宋高祖 在位二年 號永初

宋祖劉裕以賣履為業奮起而被孫恩殺盧循除桓氏

滅燕秦功成望極卒踐帝祚雖云篡晉可與創業者比

且能禁儉寡欲嚴正有度奉繼母以孝藏耕具以示子

孫皆其要行天之祚宋宜久於晉何德輿之後不及安

世耶第尚威力任機數既非長者之道而甘心禪位之

一夫必欲致之死地天道昭昭未可以歷祚太促為劉

氏不平也然臥講堂有五色龍章見搗藥聞寄奴王者

生而神奇宜乎創大業矣

謝瞻離隔門

髮怪祠

周續之劉遺民陶淵明稱下陽三隱

孫恩妖人孫泰兄子泰既誅恩思復仇稱將秉據八
郡隆安三年帝大破之恩逃人海島眾推恩妹夫盧
循為主帝又斬之。○一夫指晉恭帝。○帝嘗遊竹林
寺獨臥講堂上有五色雲章僧眾見之驚白帝帝獨
喜曰主人毋妄言後伐荻新洲遇大蛇射傷之明日
復至洲聞有杵臼聲覘之見數青衣于榛中搗藥問
其故荅曰吾王為劉奇奴所射搗藥傅之耳帝曰何
不殺之荅曰寄奴王者不可殺帝叱之散去遂收其
藥歸後以傅金創無不立愈。○帝生之女神光照室
甘露降于墓樹父以為奇徵因名奇奴後養于舅氏
改名寄奴。○帝起家甚微時人莫有知者惟瑯琊王
謚獨深敬焉嘗負刁逵錢經時人償為逵所執謚代
償之得釋已桓元篡謚實佐命手解安帝璽綬以系
元及義旗建眾議誅謚劉毅復因朝會問謚璽綬所
在謚益懼不免而帝德謚始終護持之。○帝臨終召
太子戒曰擅道濟雖有幹畧而無遠志徐羨之傅亮
當無異圖謝晦常從征伐頗識機變若有異必此人
也。○本如言。

宋少帝 在位一年 文帝 在位三十年 號景平 年號元嘉

黑龍王

立西學 齊次宗山 講待講

守學以不 甚為斷

諒闇生皇 子幼

宋少帝居喪無禮徐羨之傅亮謝晦廢而弑之文帝悲
號就位立誅三逆英明之概不遠過人哉在位日久綱
維悉舉戶口漸蕃但心極雄而力不量戎馬飲於江津
十餘年間邊境不能無事雖欲經略中原而任好殺之
王元謨一敗不振封狼居胥之言遂為當世所訾笑檀
道濟威震天下被讒見收時脫幘投地曰乃壞汝萬里
長城魏人聞之而喜卒之輕舉北伐六州被殘三十年
宵旰竟為逆子所弑抑又慘矣

何承天備邊四策

鑄浦儀以水轉之

宗慈願乘長風破萬里浪

行元嘉曆

顧頡之著定命論

射虎竹林

少帝文帝

少帝即位後多過舉皇太后合口居帝王之位好皂
 諫之役處萬乘之尊悅所養之事蓋實錄也○文帝
 欲經略中原羣臣獻策取媚而王彘謨尤好進言帝
 喜曰觀元謨所言令人有封狼居胥意狼居胥山名
 霍去病平匈奴封此山而還○檀道濟伐魏每戰多
 捷至是食盡引還軍士有降魏者告之魏人追之道
 齊夜唱籌量沙以所餘米覆其上及日魏軍見之不
 敢追因得全軍而還會義康怖其威名奉詔賜死魏
 人間之喜曰道濟死吳子輩不足復憚遂有飲馬長
 江之志木幾南侵兵至瓜步帝登石頭城北望嘆曰
 檀道濟若在豈使胡馬至此○魏人破南兗徐豫青
 冀六州所過赤地無餘春燕歸巢于林木自是邑里
 蕭條元嘉之政衰矣○帝欲廢太子欲謀泄劾乃弒
 帝并殺淑妃為亂兵所害濬曰此是下情由來所願○
 不意淑妃為亂兵所害濬曰此是下情由來所願○
 叙妃始未見賞帝好乘羊車妃合左右以鹹水灑地
 駕經其戶羊輒舐地不去帝曰羊能為女徘徊况人乎自是愛親後宮

宋武帝 在位十一年 廢帝 在位十八月
 號孝建大明 號景和永光

宋武帝起兵誅劬可稱勇決但嘲侮公卿樛蒲百萬錦
 宮繡室鄙高帝儉素為田舍翁沉湎於酒荒淫於色封
 殖於用貪冒於貨濫賞嬖幸誅戮諫臣卽桀紂無道亦
 不過如是而已其獲殞王燭幸也子業不孝立為東宮
 及卽位殺義恭子鸞戲列祖辱諸父山陰同輦新蔡入
 宮其劣更甚於孝武畏太后病慮鬼不往執意次年殺
 之者非鬼也壽寂之也蓋自湘中出天子而廢天子果
 不及孰矣

武帝廢帝

武帝壞高祖所居陰室起玉燭殿與羣臣觀之見床頭有土障壁上掛葛燈籠麻繩縛侍臣盛稱先帝儉素帝曰旧舍翁得此已為過矣○江夏王義恭新安王子鸞○子業嘗入大廟指高祖像曰渠大英雄生擒數天子指太祖像曰渠亦不惡但未年不負兒所去頭指世祖像曰渠大鼻如何不豔立名畫王合豔之○諸父中湘東王或獨肥謂之豬王休仁為殺王休祐為賊王東海王祥性尤劣謂之驢王○子業常與沈慶之及姊山陰公主同輦王尤淫恣謂子業曰妾與陛下雖男女有殊俱托體先帝陛下六宮萬數而妾唯駙馬一人事不均平一何至此子業乃為主置瓦首左有三十人時吏部郎褚淵貌美王請以日侍許之淵侍至十日逼迫備至○何邁尙新蔡長公主于業姑也納于後宮謂之謝貴嬪許言于堯未幾邁亦破沒○民謠云湘中出天子華願見曰道路皆言法興為真天子宮家為廣天子○子業使宮人陳相逐一人不從殺之夜夢馬巨明年不及熟矣除年果為壽寂之所殺

宋明帝 在位八年號泰始泰豫

袁顛願生出虎口

宋明帝為子業所幽呼為豬王飲食木槽已將就戮賴少府保全一旦大臣迎立時有晉安王子勛起而攘奪徐豫等州皆舉兵應之天下岌岌矣幸臺軍得勝晉安被收止位改元實出望外首革錢幣平定南方乃輕耀兵威降臣復叛不救沈文秀青冀云亡此曷故歟至其觀婦人之裸埋內帑之錢誇湘宮寺以為大功德殺王景文恐其有異圖剿盡同姓諸王陰植非類之子以承宗社謚之曰明何以稱焉

蔡興宗欲居中危禍

蕭道成收養
豪傑

子業幽辱諸父獨休仁多智數能取悅故得推遷少
 府○初沈慶之啓聽民私鑄錢由是錢貨亂敗千錢
 長不盈三寸大小稱此謂之鵝眼錢劣于此者謂之
 經環錢貫之以糶入水不沉隨手破碎至是悉罷之
 ○帝以南方已定欲示威淮北致薛安都常珍奇等
 復叛○沈文秀字青州魏人圍之二年並無援文
 秀抗節不屈于是青冀之地盡入于魏○帝性多忌
 諱語言文字稍疑凶敗者必回避犯必加戮如改駟
 字為馬邊瓜以駟字近禍字也又禁稱白門有誤稱
 白門者變色黜之曰白汝門晚年尤昏暴劊斷斷斬
 無虛日禁中慄慄若踐刃劍時軍旅頻興內帑殫竭
 而陰令小黃門埋錢殿內以為私藏有所造作必為
 正御三十副御次御各三十于是民不堪命天下騷
 然○作湘宮寺曰此是大功德虞愿曰此皆百姓膏
 兒貼婦錢所為也○帝慮晏駕後王后臨朝景文或
 有異圖賜之死詔曰朕不謂卿有罪然吾何能獨死
 請乎先之○殺子綬等十三人又賜子
 房等十人死世祖二十八子于此盡矣

殷孝祖死節

宋蒼梧王在位二年
四年號元徽順帝號昇芳

沈攸之不敢

損包胥之節

蒼梧王者明帝使宮人陳氏與嬖人李道見生之秘為
 犬名殺盡親弟十人惟恐其不立耳既立之後嘗白
 稱李將軍或晝臥道旁或夜宿客舍遭人慢辱悅而受
 之會七夕偷狗醉歸蕭道成使楊王夫殺之順帝亦諸
 王姬所生明帝殺其母使愛姬育之者也迎立三年道
 成又令王敬則勒兵入宮帝泣曰欲見殺乎敬則曰出
 居別宮耳官家先取司馬家亦如此爰收淚而禪位焉
 嗟嗟水運告謝偽子無根宋祚宜乎屋矣

袁粲父子忠
孝

可憐石頭城
寧為袁粲死
不作褚淵生

蕭道成五勝
沈攸之五敗

蒼梧性好殺一日不殺人即慘慘不樂擊腦槌陰剖
心之類日數十有嘔眉者必令正立洞刺之聞吳興
沈勃家多寶自往劫之從騎未至即揮劍獨前望見
勃輒投鏃不中勃知不免乃手搏其耳唾罵之曰汝
罪踰桀紂屠戮無日遂殺勃又私逼管卒女從之遊
持數子錢為酒費因逢婚葬即與挽車與小兒羣聚
飲為懽殿上養驢數十頭所自乘馬則養之御床前
一日往新安寺偷狗就曇度道人煮以飲酒最幸楊
王夫忽見憎切齒曰明日當殺小子取心肝是夜七
夕乘露車自新安寺醉還王夫殺之○順帝詔禪位
于齊是日百僚陪位侍中謝朓在真當解璽綬陽為
不知曰有何公事傳詔云解璽綬授齊王朓曰齊自
應有侍中遂引枕臥王儉乃為侍中解璽綬帝出就
東邸光祿大夫王玘攀車慟哭百官雨泣褚淵奉璽
綬詣齊宮勸進裴顛獨數道成過惡掛冠徑去道成
殺之或請殺謝朓道成曰殺之遂成其名正應容之
度外耳久之因事廢于家○宋以小德王
故曰水運凡八國之社稷之不受賜氣也

齊高祖 在位四年
號建元

帝憐文復體

肩負赤痣如

日月狀

齊祖蕭道成久在軍中勇略震主功名蓋世明帝徵之
入朝欲賜之死而不果蒼梧射中其臍復磨鋌相加陳
太妃勸之乃止帝懼不自全遂弑蒼梧假令帝果直指
其無道且明非劉氏子播告中外然後易代庶幾近止
乃既委贄於順帝又窺圖禪位復行弑逆積惡創業齊
祚所以不長然能以儉化民不御精細不玩珠玉恤病
囚而診治訪政術於參軍亦足稱賢但必欲使黃金與
土同價恐未必然之事耳

何點作齊書

王衣車中也
道并屈以玉
爲之

褚淵入朝以
腰扇障日
褚育屏居墓
下

范鎮盛稱無
佛

蕭郎出三十
貴不可言

高祖

帝傳學善屬文工草隸奕棋第二品雖經綸夷險不
廢素業既卽位制病囚診治之法訪政術于劉獻獻
曰政在孝經凡宋所以亡陛下所以得者皆是也帝
嘆曰儒者之言可寶萬世敦朴素欲以身易俗王衣
中有玉介導恐長奢麗命椎碎之每日使音治天下
十年當使黃金與土同價○帝曲宴嘗使羣臣各効
伎能時褚淵彈琵琶王僧虔彈琴沈文季歌子夜張
敬兒舞王敬則拍王儉獨曰臣無所解請爲陛下誦
書因誦相如封禪書上笑曰此盛德事吾何以堪之
○帝鎮東府時虞玩之爲少府猶躡屐造席帝取屐
視之問曰卿此屐已幾年玩之曰初釋褐時買之已
著二十年矣貧士竟不辨易帝咨嗟久賜新屐玩之
不受答曰賜出尙方恩華俱重但遺簪敝席古人惜
之故不敢當帝善之○帝與王僧虔賭書畢謂虔曰
誰當第一對曰臣書第一陛下亦第一帝笑曰卿可
謂善自爲謀虔又曰臣正書第一草書第二陛下草
書第二正書第三臣無第
三陛下無第一帝大笑

齊武帝在位十一年
年號永明

齊武帝時樊惑逆入太微有司請懷詔應天以實不以
文文學八友令王子傾交畱心政事務總大體郡縣久
於其職犯法封刃行誅故永明之治百姓豐樂內外晏
然但長沙武陵以宐厚者而失寵愛羽毛而疎骨肉已
見諷焉華林猿子墮崖忽致感於父子之間悔之何及
要之知法亮迫主之罪而不闕是不明也知昭業披猖
之性而立之是不智也西昌之弑逆十王之盡殲帝實
有以名之矣

齊書

江南歲身一主

王儉曰此謝安

范雲蕭琛任昉王融蕭衍謝朓沈約陸倕號八友。○
 羣臣犯法者封亦與之自殺。○長沙王晃武陵王曄
 俱無寵。曄侍宴醉伏地貂抄肉拌帝笑曰肉汗貂對
 曰陛下愛羽毛而疎骨肉帝不悅。○子響有罪為茹
 法亮所迫而死久之帝遊華林園見一猿透擲悲鳴
 間左右曰猿子前日墮崖死帝思子響因流涕。○太
 子長懋卒立其子昭業為太孫昭業在西州每夜輒
 開後堂與無賴羣小二十餘人徧入諸營署為宴樂
 共飲食同臥起其積漸然矣性尤辯慧能矯情節許
 初居父喪哀毀備劇至今見者嗚咽而裁還私室即
 酣笑權飲已待帝疾亦然見疾將革陰與妃何氏書
 于中央作一大喜字而旁作三十六小喜字環之大
 殮裁畢即悉召諸胡伎入備奏眾樂鞞鐸之聲徹外
 及在位西昌侯鸞屢諫不聽反欲殺鸞鸞率兵入時
 方與父之幸姬裸身相對遂被殺。○後明帝忌高武
 子孫猶有十王欲盡除之遂殺河東王鉉等十人按
 武帝二十三子惟四子早天文惠竟陵病
 餘十七人具為明帝殺及殺高帝子七人

海陵王在位三月號延興明帝在位五年號建武永泰

謝淪不問外

縛粉廢天子

齊明帝少孤高祖撫之過諸子又受武帝遺詔輔太孫
 乃不思報効而半年之中連弒二王何其忍也昭業昭
 文雖不君在所當廢何不立親近而自取之北魏臨江
 問罪固為當日義師矣在位五年誅戮亟行高武子孫
 一時俱盡如此而欲生子令善天寧佑之雖浮慕節儉
 而躬親煩碎顧嵩所謂代庖人宰為大匠斲也敬則雖
 除蕭衍漸熾東昏無道和帝不才會不三年而大位付
 之衍矣攘奪亦何益哉

酒鐘移在此

去 江數非然而

魏兵臨江帝使崔慶遠出問師故魏曰齊王何故廢立慶遠曰廢昏立明曰何以不立親近而自取之曰霍光亦舍親近而立宣帝惟賢也曰光何以不自立曰非其類也至上正可比宣帝耳安可比光且若然者武王伐紂而不立微子亦為貪天下乎魏夫笑而還○帝性深刻有所行幸將南則詭言西將東則詭言北尤多吝用皂笈訖以餘樂授左右曰此猶堪明日用太官進裏蒸每十字畫之曰可分四片以其餘充晚食○敬則自以高武舊臣心懷疑懼帝亦深猜之敬則子仲雍善彈琴時存蔡色焦尾琴在御帝借之仲雍乃即于御前鼓琴作懊儂曲歌云常嘆負情儂郎今果行許帝愧已而除張瓌為平東將軍敬則聞之曰東今有誰祇是平我耳遂反尋見殺○東陽女子婁逞粗知圍棋解文義變服詐為丈夫徧遊公卿間仕至揚州議曹從事事發瓌令還東逞始作女人服而去嘆曰如此伎倆還為老嫗豈不惜哉蓋齊多不知文學之臣宜此婦之為天矣

齊東晉書卷之九 齊書 號中典

東昏嗣位親昵羣小六貴同朝奄寺呼為父兄大臣死於倉卒人人不能自保蕭懿既誅蕭衍起兵雖閱堂種柳市販交歡潘妃步步金蓮豈能長享為和帝廢即為蕭衍弒矣東昏未死和帝已即位江陵廢兄自立欲為磐石之業耳無何類胄卒而眾望皆歸於衍衍既廢當復用沈約之計使伯禽行弒於姑熟衍之罪不可追乎而沈約何得為之操刃也夫齊亦何負於約而王謀大逆宜乎臨死之前有斷舌之夢矣

作事不可在人後

馬仙理袁昂不降行釋之

始安王暹光與徐孝嗣江祐蕭坦之江祀劉瓛六人更直內省蕭衍曰六貴同朝亂將作矣呼茹法珍為父梅虫見俞靈韻為兄潘如父寶慶為阿丈每詣寶慶家躬自汲水助厨人作膳最暱潘如嘗鑿金為蓮花貼地令如新其土曰此步步生金蓮也苑中立店肆與宮人奄豎市販而以如為市令自為市錄事有鬪者就潘如罰之自有所失亦就如受杖又自生店屠肉如當墟百姓歌曰閱武堂種楊柳至尊割肉潘如沽酒蕭衍兵人戰屢敗猶吝賞賜茹法珍即頭爭之荅曰賊來獨取我耶何獨向我索物○和帝既廢蕭衍欲徙帝巴陵沈約曰不可菓虛名而受實禍乃使鄭伯禽以生金進帝帝曰我死不須金醇醪足矣乃飲沈醉伯禽起殺之御史中丞顏見遠不食數日而察○沈約仕梁後見怒于梁武遂病困夢帝以劍斷其舌名巫視梁武遂病困夢帝章于天稱禪代事不肯已出梁武聞之大怒遣中使詰責數至約懼而死以其懷情不盡誣曰隱

梁高祖 在位四十八年號大通大同中大監普通大

帝舌文八字又在右手曰武

謝融輕舟詰

陶弘景山中宰相謚真白先生

梁祖蕭衍鎮襄陽知齊必凶密修武備兄懿死建牙聚眾遂移齊鼎孝慈恭儉博學能文陰陽卜筮騎射聲律草隸圍棋無不精絕及即位立肺石函以伸冤置孤獨園以賑窮設博士立學建廟以重儒初政可觀繼惑於佛禁文綺人獸形以麩為牲是戒心矣乃深山築堰萬民魚鱉非忍心乎晚納侯景以三度捨佛之身竟捨於景未曾到極樂世界而統餓死於臺城殛之時曰苦索蜜不得再曰荷荷而佛何無靈不來救苦哉

李貞補種帝

有不色寶珠
文何作瑞雨
頌

綵感入南斗
天子下殿走

高祖

肺石赤石也。三如垂肺欲傳。宛者投肺石。兩三日聽其詞。詔文下不得為人。獸形恐其裁。剪宗廟用牲。牢恐果冥道。故以麩為之。築淮堰。起民夫二十萬。南起深山。北抵晚石。負土肩穿。死相枕。蠅虫晝夜。聲合。越二年。堰壞。十不餘。口皆漂入海。侯景叛。高澄以十三州來附。帝王之。帝捨身同泰寺。羣臣以錢億萬奉贖。如是者三。荷荷猶言呵。呵怨怒之聲。柳輝性貞。素自少工。詩有亭。阜木。下隴。首秋雲。飛之句。王融書之。齋壁及白團扇。帝嘗大會景陽樓。賦詩。輝詩云。太液滄波起。長楊高樹秋。翠華承漢遠。雕輦逐風游。深見嘆賞。輝有少子。偃年十二。引見帝。帝問讀何書。對曰。尚書。問有何美句。對曰。德惟善政。政在養民。帝深重之。蕭琛為哭。與太守郡廳。事有瑱。羽神位。郡人號為憤王。前後二于石。至皆祭拜。廳下而身避他室。琛至為著履登堂。聞室中有叱聲。琛厲色曰。生不能與漢祖爭中原。而乃死。據此廳。事何陋也。竟遷之。也。廟此并絕。

梁簡文帝在位二年
號大寶

永安侯臨三
不愧

侯景東魏之叛臣。正德武帝之養子。正德引景兵渡江。陷臺城。逼武帝。殂簡文。即位。空存天子之名。寄跡虎狼。無日不與死為伍。觀其聽絲竹之聲。而泣下。聞將軍之號。而心驚。益有甚難為情者矣。帝既禪位。豫章王。而景為湘東所敗。遂移禍於帝。夫湘東之兵。不能拔營於患。難。反速帝於死。亾然使湘東按兵不動。能保帝終無恙。耶。帝於醉寢之時。求死不得。竟仆絕於土囊之口。太子王侯在建康者。靡有子遺。亦慘甚矣。

張曠有死無

梁書

十四

竹

侯景取帝漂陽公王甚愛之請帝禳飲聞綠竹淩然泣下。景自號宇宙大將軍帝聞之驚曰將軍豈有宇宙之號乎尋廢帝殺太子立豫章正棟尋又弑帝廢棟僭稱漢帝即位南郊改元太始有司請立七廟景曰何為七廟對曰天子祭七世祖并請七世之諱景曰前世吾不復憶惟阿爺名標且在朔州伊那得來噉是。帝六歲即能屬文辭致精美武帝當嘆曰此吾家東阿也。景曰光燭人讀書十行俱下九流自氏經目必記篇章詞賦操筆立就著述甚富既見廢自知不久指所居殿謂舍人殷不害曰龐涓死于此後王偉等進觴前曰丞相以陛下幽憂日久使臣空壽帝笑曰已禪位何得言陛下遂盡酣曰不圖為樂一至于此既醉而寢彭雋進士囊絃之太子大困神明端不所親問之曰殿下居困阨而神貌怡然何也太子曰若請叔能滅賊賊必先見殺然後就死若其不然賊亦殺我以取富貴安能以必死之命為無益之愁耶及難顏色不變徐曰久知此事嗟其晚矣

神皓起兵討景

侯景立大碓
搗人偶語者
刑及外族

梁元帝在位三年

長鯨短狐
太平玉燭

梁元帝以高祖之子擁上流之重其舉兵也名義甚正但其先不赴父難其後不奉簡文正朔包藏禍心窺竊神器豈真為父兄討賊哉僥倖國釁戕殺本支梁氏子孫死於景者什之一二死於帝者什之七八也獨能滅景事有可取既滅之後正位江陵不思保國之計惟躬御龍光親講老子魏兵至柵下猶口占詩羣臣相和焚古今圖籍而曰讀書萬卷猶有今日愚蔽甚矣卒之身囚烏幔合門遇害宜哉

士民爭食景肉并骨俱盡

武陵王紀傳
稱帝

武陵兵亂
誅

王僧辯東下既屢破景進營石頭景挑戰復大敗景遂不敢入宮議逃去王偉按劍諫曰自古豈有逃天子今宮中衛士尚足一戰奈何走景曰我在北打賀拔發敗葛榮揚名河朔與高歡一種人南來直渡大江取臺城如反掌打卻陵王於北山破柳仲禮於南岸皆乃所親見今日之事恐是天亡于是仰觀石闕遠巡漢息久之遂以被囊盛其二子掛馬鞍上與百餘騎東走王偉遂棄臺城竄逸未幾罕鯤殺景其二子景已先墮之水矣初景有所騎曰馬每戰將勝輒蹶躅嘶鳴意氣駿逸但奔北必低頭不安及石頭之彼精神沮喪臥不肯動景令左右拜請更加箠策終不肯進人謂馬能知亡猶勝于景也王偉素有才藻帝頗憐之朝士乃出其前所作檄文有項羽重瞳尚烏江之敗湘東一日寧為四海所歸之句帝大怒遂以釘釘其舌于柱剗其腸景既誅僧辯復上表勸進帝乃使朱買臣密害豫章王棟及其二弟橋穆然後即位簡文三子無故而一日殺之

梁敬帝在位二年號附後梁
紹泰太平

淵明改元
成

晉僭稱宣帝
號大宛
端簡稱明帝
號天保
宗僭號廣運

梁敬帝至金陵羣臣奉迎即位昭明之子晉引魏兵弑元帝魏先命之為帝以大統言當以敬帝為正王僧辯奉高祖兄子淵明入東關即位以敬帝為太子陳霸先立爭不從淵明遂去而敬帝復辟二年之中岌岌乎殆哉遭家不造廢興難保霸先得立之亦霸先得廢之而獨悲其不免于弑也惟蕭詧七載稱臣於魏曰後梁傅子歸二十四年至蕭琮兩載弁入於隋又三世其三十三年

永嘉王壯楷
稱帝號天啓

王琳為丞相
後秦莊奔齊
戰敗而死

敬帝

昭明太子蕭統高祖長子讀書五行俱下註文選三十卷酷愛山水元圃中穿築亭館借朝士遊詠其間嘗泛舟後池番禺侯執盛稱此中宜奏女樂太子不答直詠左思招隱詩云何必絲與竹山水有清音軌漸性至孝為好人所誣不能自明抱憤而歿陳霸先使沈恪引兵入宮衛送敬帝至別宮恪叩頭曰恪經事蕭氏今日不忍見此分受死耳決不奉命霸先乃使王僧志奉帝為江陰王尋弑之張彪為王僧辯爪牙霸先既殺僧辯并求彪彪與其弟崑崙妻楊氏大黃蒼乘夜間行霸先將章昭達以干兵躡其後至則彪尚眠未起黃蒼驚吠嚙殺一人彪接刀出逐遂被殺崑崙亦死之昭達即進迎彪妻改啼為笑請殯彪殯果謂昭達曰婦人本在容貌辛苦日久請暫入莊備昭達許之楊入竟以刀割髮毀其面昭達白霸先義之聽為尼黃蒼則晝夜叫家側蕭嘗不好聲色尤惡見婦人雖相去數步亦云遙聞其真惡見人髮曰事者必方便避之擔輿者

陳高祖在位三年
號永定

帝明討李賁
江水暴起七
丈賁奔遼

祠將帝

陳祖霸先以疎迹外臣三年之內輒遷梁祚寧有殊智巧哉直以義師討賊急君父之難庶幾有慷慨幸烈耳且誓不殺一人以伐梁故子孫入隋亦不遭誅戮大之報施善人固如此也改玉以來又能奉身儉約為政寬簡具凋儻服衆之才明孤虛遁甲之術過舉甚少惟不任宰相萬幾之衆獨委其事之武夫五本八刑政百未一舉躬蹈捨身而即絕嗣位歸兒子事佛何益其亦梁武之儔歟

東書

後官無金翠飾

帝久在魏周之際十徵不起

帝起白艱難知民疾苦

刺閭

高祖

帝自少儆不事外產嘗遊義興館于許氏夢天開數丈有朱衣四人出捧曰至納之帝曰吞之覺而腹內猶熱也簡文既歿帝率諸軍試侯景景登石頭城望之伴謂人曰一把子人何足可打已密謂左右此軍上有紫氣未易嘗未幾破景進爵陳王帝包受禪以劉師知為中書舍人時敬帝在內殿將加害焉師知許敬帝令出敬帝覺遽床走曰師知責我陳霸先反我我本不須作天子何意見殺師知執敬帝行事者加刃焉已還報曰事已良帝曰卿乃忠子我後莫復爾師知不對曰飲安都杜僧明周文育同侍宴俱自誇功伐帝曰卿等皆良將而並有所短杜公志大識暗狎下而驕于尊矜其功不收其拙周侯交不擇人居危蹈險不設倩防侯郎誕傲而無厭輕佻而肆志並非全身之道各一一如言口交州刺史袁彞緩曾以金五百金密寄歐陽頔合以百兩還龔鷲四百金付兒智矩餘人弗知也顧後家破貲財並盡准寄金獨存時彞緩已卒

陳文帝在天嘉天康

陳文帝高祖姪也高祖子昌姪頊陷於長安嫡嗣無屬故名文帝即位制春夏不斷死刑立茨監賦併權酷法可謂恤民矣投籤堦石之上鎗然有聲眠亦驚覺可謂勵精圖治矣周遣杜杲送頊歸南嶺待之有加太子柔弱欲行廢立出自中心而頊固辭孔奐力言乃止夫奐於君之存逆探其情而求苟合皮君既歿權臣移國不能救嗣主失位不能死而帝謂之遺直託六尺之孤謬已

陳書

十五

竹

徐陵彈奏安成王朝廷肅然

周迪伏誅

杜杲送頊歸帝謂杲曰家翁蒙禮遺實周朝之惠然
魯山不返亦恐未能及此杲曰安成長安一布衣耳
而陳之介弟也其價豈止一城而已哉本朝敦睦九
族恕已及物上遵太祖遺旨下思繼好之義是以遣
之南歸今乃云以尋常之士易骨肉之親非使臣所
願聞也帝甚漸曰前言戲之耳帝以太子柔弱謂
頊曰吾欲遵太伯之車孔奐曰皇太子聖德日躋安
成王足為公旦若廢立臣不願奉詔帝曰古之遺直
復見于卿口虞荔少有志操先仕梁雖任參權斬而
淡然獨以靜退聞侯景之亂避難鄉里帝踐祚再書
迫之出荔不得已應命荔以母沒遭亂情禮不申終
身疏食不御滋味弟密又流寓閩中齊及輒流涕帝
哀而謂之曰吾亦有弟在遠此情甚切他人豈知乃
勅來寄于陳寶應寶應不遣寶應有異志嘗令左右
誦漢書臥而聽至蒯通說韓信曰相君之背貴不可
言蹶然起曰可謂智士寄曰通一說殺三十何足言
智豈若班彪王命論識所歸乎遂
稱疾不起及寶應滅寄得還朝

陳廢帝號光大二年宣帝在位十四年號文建

歐陽純伏誅

沈夫人聖母

江總有潘陸之華無同綺之實

陳廢帝雖承父業政由叔制立僅二年而宣帝廢之負
兄攘姪以有天下詐橫甚矣五后竝寵羣宦專權宴遊
沈湎貪地侵齊委在典明微既得壽陽復望徐亮遂至
師敗國蹙且昵愛太子以匪人江總為詹事恣飲宣淫
雖青牛却獻焚錦雲龍以示儉德不足取也斯時田龍
秋叛入於齊既已擊斬始興王叔陵作亂即已伏誅似
可稍安而傳子不才必不能長保其國儲貳之訓夫亦
安可少耶

廢帝宣帝

五林還藝

楊堅稱帝

晉殺女自投堂下

宣帝命吳明徹攻齊壽陽克之殺其刺史王琳後聞周滅齊欲爭徐兗為周人所敗將士三萬器械繼重皆沒于周帝先為中書侍郎夜嘗被酒張燈而寐時馬軍至李愔自外入惟見床臥一大龍總駭走避及踐祚雅意節約豫州監陳桃根得青牛于所部獻之詔遣還民又獻織成羅文錦被裘各二詔焚之雲龍門外帝四十二舅叔陵第二自幼機辨強梁無所推屈徹夜常不臥令侍者執燭達旦每入朝輒于車中馬上執卷讀書高聲長誦及歸齋閣至自執斧斤為沐猴百戲焉又好遊冢墓遇坐表知名者即發掘取其古器為玩弄具帝祖以謀殺太子侯誅徐陵字孝穆其母嘗夢五色雲化為鳳集左肩已而誕陵陵數歲家人攜謁寶誌上人上人摩其頂曰此天上有麒麟也蕭引以善書為當時所推帝嘗披奏事指引署名曰此字筆趣翩翩似鳥之欲飛引謝曰此陛下假其羽毛耳帝又謂曰吾每有所忿見卿輒意解引對曰自是陛下不遷怒臣何預焉人喜其善對

陳後王在位六年

陳後王撫茲彈丸墮方虎視真臥薪嘗膽之秋也乃全

無心肝而寵麗華龔孔二嬪起臨春結綺望仙三閣日

引御容女學士醉歌玉樹後庭花諸曲孔範王瑳備為

長夜之飲瀟灑風流自號無愁天子祀七廟而不出拜

三妃而臨軒老臣宿將棄之草莽諂佞譏邪升之朝廷

不思先帝之艱難不知天命之可畏諫臣被戮國事不

支及朱雀既入而墜井偷生愚矣臨平之湖開黃塵之

謠作皆陳祚將亾天實為之也

隋暴陳王

二十惡算

三十萬紙

遍諭天下

長江天塹
限隔南北

陳書

隋書

干

竹

六零四集

後主降隋願得一官號隋主曰叔寶全無心肝矣○
後主嘗選宮人有文學者袁大捨等為女學士每賦
新詩互相贈答採其尤豔麗者為曲詞選宮女有容
色者千百數習而歌之共曲指歸大較美張孔二妃
之容色也有璧月夜夜滿瓊樹朝朝新之句○祀七
廟七句章華疏中語疏上後王大怒即日斬之○傳
緝千獄中上書極言朝廷失終篇有神怒人怨眾
叛親離東南王氣自斯而盡等語書奏後王大怒已
稍解使謂曰我欲赦卿卿能收過否緝對曰臣心如
面臣面可收則臣心可收後主益怒遂賜死既死有
惡蛇屈屋來上靈床當前受祭酬去而復來者緝誰
計時時聞彈指聲○隋兵入朱雀門後主曰吾誰為
計遂投于井隋兵以繩引出之○臨平湖草久塞忽
然自開後主惡之乃賣身佛寺為奴以厭之○童謠
云可憐巴馬子一日行千里不見馬上郎值見黃塵
起黃塵汚人衣皂莢相料理○後主在臨沔醉嘗有
醒時隋主問叔寶所嗜監者對曰嗜鹽麩
同飲酒多少對曰與其子弟曰飲一石

許善服

附東西魏

誇早落稱老
解帝號天平
元象與和武
定

東魏一世止十七年因拓跋修出奔高歡立善見於洛
陽篤好文覺從容沉雅究無補於敗亡既禪位高澄乃
下御床步就東廊口咏後漢書贊曰獻生不辰身播國
屯終我四百永作虞賓所司奏請發曰古人念遺簪傲
履欲與六宮別可乎高隆之曰可遂人與夫人嬪以下
訣莫不欷歔掩涕嬪李氏誦陳思王詩曰王其愛玉體
俱享黃髮期后以下皆痛哭旋出雲龍門王公百僚拜
辭顧謂曰今日不滅當道鄉公漢獻帝眾皆悲愴未幾

膏比備稱文
帝號大統元

東西魏

計

行

十七年

被弒時梁大寶元年也西魏三世計二十二年自拓跋

欽附稱廢帝

修出奔軍國大事悉歸宇文泰泰弒修而立寶炬具聰

附附稱恭帝

明之質而權藉不存負藪殺之才而網維不肅傳欽及

附北齊

廓為宇文泰所弒即為宇文覺所滅時聞永定元年也

高歡追稱神武帝

北齊高洋懷朔人也其七世祖隱為晉元菟太守因世

澄追稱文宣帝

居之父歡仕魏誅爾朱氏執國柄兄澄為盜所殺洋即

遷魏祚因三方鼎峙繕城郭修甲兵臨陣克捷宇文泰

洋附稱文宣帝

見軍容整肅漢曰高歡不死矣儻位之後自矜功業沈

澗酣歌至塗墨傅粉散髮雜衣遊行市里或酷成陸寒

殷附稱廢帝

夫衣馳騁暴身日中或徵集淫姬分付從官朝夕臨視

號乾明

以為笑樂末幾暴卒先是命邢邵為其子制名擬名殷

演附稱孝昭帝

字正道淨曰殷家弟及正字一止吾身死見其不能立

乎邵懼請改洋不許曰此天也他日謂弟演曰奪時但

北齊書

卷一

竹

奪慎勿殺立不及一年演果殺之自其止兩載即暴遇

疾親見其兄洋口言復仇備極醜厭病轉劇其母臨視

問殷所在者三演不對母怒曰汝殺之耶死其宜矣臨

終惟伏枕叩頭求哀諂弟湛大纂大統且囑曰宜將我

漢僭稱武成
帝號大寧河
清凡四年

緯僭稱後主
成大統武平
降化凡十二
年

恒僭號承立
凡一年

宇文泰追
稱文自帝

覺僭稱孝
閔帝凡一
年

雖僭稱明
帝號武成
凡三年

妻子置一好處。勿學前人也。湛立之後。愛狎庸豎。淫移無度。李氏嫂屬也。既辱其身。又殺其子。過矣。因彗星之見。傳位子緯。亦驕縱無忌。為製無愁之曲。每自彈琵琶。而令羣臣和之。人傳無愁。天子宫掖中。一裙直萬匹。一鏡臺直千金。馬及鷹犬。皆有儀同郡君之號。鬪鷄亦號開府。又於一林園立貧窮郵舍。及乞兒市。緯自敝衣為乞食。見躬詣交易。一旦邊塵告急。挈雙窳身。付之幼子。恒周師追殂。卒赤其族。要之北齊。起於高歡。盛於高澄。高洋篡魏。傳六世。僅二十八年。并於北周而齊亡矣。

附北周

北周宇文覺代郡人也。其始祖葛烏兔有孫替。得黃帝玉璽。建國號宇文。北俗謂天子為宇文。因以為氏。十三世生泰。仕魏。征討有功。進封周王子。覺嗣位。年方十五。從兄宇文護移魏祚授之。自恃強果之姿。欲圖殺護。卒為護弑。以身篡祚。旋以滅身。有足悲者。毓覺之庶兄也。雖護擁立。心勿許之。然軍國大權。猶總於護。護進毒當易箚。時舍于立弟口。授詔書。付託得人。可謂明矣。豈即能誅護。陰以報兄讐。明以正王法。英武之君也。尊儒

魯僭稱武
帝號保定
天和建德
宣政凡十
八年

魯僭稱宣
帝號天成
凡一年

開晉稱靜
帝號大象
人定凡二
年

陳陳五
年

收天下兵
器

術斥釋道崇節儉省妃嬪撫士以恩用法以斷數年開
平齊士擒高緯功亦烈哉第兵戈屢擾遠征突厥還郎
頌身子贊為世子時已多失德及嗣位極意逞志自比
上帝不喜人有高大之稱自號天元皇帝每管誣人以
一百二十為度名曰人杖至二百四十猶捫其杖痕而
罵曰死晚矣其克暴如此傳子闡僅七歲后父楊堅廢
之為介公尋弒之嗚呼宇文泰握魏柄二十餘載至子
覺僻位未久兄弟被弒雖五世止二十五年族滅於隋
積惡之報不其然哉

隋高祖在位十六年
號開皇仁壽

隋相楊堅篡周滅陳撫有華夏一三百年之正統與倖
然盛烈也紀綱法度非不犁然第舞智嚴刑一錢一瓜
盜者立斬而且獨孤煽惑楊素構讒竅勇立廣以至廣
惡昭然始抵床悲曰獨孤誤我晚已然廣之惡亦帝作
偏之也世受周恩女配天元乃乘其孤寡輒行弒滅於
君不忠於女不慈故天令廣托生門內敗檢覆基隨使
化及出自周喬因其質盈誅戮不佑卒為宇文報仇誰
言天道其無知耶

高祖

下仰縱囚
水局

立廣為太
子入下地
張

作清夜遊曲

始建進十科

築長城

東都大有人
在

帝以盜賊繁多命盜一錢者棄市或三人共盜一瓜
 事發即死。帝信獨孤皇后言廢太子勇立晉王廣
 為太子。帝病廣預擬後事為書問楊素。素宮人誤送帝
 所帝大恚陳夫人。日出更衣廣逼之。夫人力拒得免。
 因言十帝帝抵床而恚曰。畜生何足付大事。獨孤誤
 我。因召故人子勇廣。遂弑帝并殺勇。尋廣封小金盒
 賜陳夫人發之。乃同心結也。夫人恚而卻之以官人
 強乃拜使者。龍門王通獻太平十二策。上不能川
 罷歸。授河汾弟子。問息諫曰。無辨問止。想曰。不爭
 又曰。門諫而怒者。讒之固也。見譽而喜者。佞之媒也。
 絕國去。媒讒佞干矣。卒于家。私謚文中子。辛公義
 為帆州刺史。帆俗畏病。一人病合家避之。死者益眾。
 公義欲變其俗。因徧檢部內病者。悉輿至廳。事暑月
 疫時病者或至數百。廳廊悉滿。公義乃獨設一榻。其
 間日夕對之。理事所得俸入盡以市藥。林復躬親其
 飲食。于是病者多起。因召其親戚諭曰。死生有命。豈
 因相染。汝前棄之。所以死耳。諸病家子
 孫。漸謝合境。呼為慈母。俗自是亦變。

隋煬帝年號大業恭帝年號義寧附隋煬帝年號義寧附隋煬帝年號義寧

隋煬帝弑父殺兄而自立。築西苑。剪綵為花。窮極奇麗。
 幸江都。悅龍舟八萬餘人。照耀川陸。北巡榆林。呼韓稽
 顙。諸番入市百戲。雜陳糜費。動輒萬萬。卒令海內騷然。
 盜賊蠭起。八年以來。每夜眠中。恒驚悸云。有賊後。尤不
 自安。幅巾短衣。顧影不足。乃引鏡照曰。好頭頸。誰當斫
 之言未已。而化及。即行弑焉。與空梁庭草之寃。報德高
 公之枉。同歸于盡矣。日侑曰。伺雖竝稱恭帝。直至布席
 禮佛。願世世勿復生帝王家。不甚悲乎。

隋書

廿五

竹

外間大有人
圖儂

手薄日稱神
世即作無向
遠東浪死歌

李世民說父
起兵
湘友號銀子

江州楊花
江北杏花

楊帝恭帝

車駕發喻林矣厥奉薄上壽帝大悅賦詩云呼韓檜
類至屠者接腫來何如漢天子空上單于臺。諸番
來朝陳百戲于端門以示之入市命食店邀入醉飽
不取其直給曰中國豐饒酒食例不取直其黠者覺
之見憎身纏樹曰中國亦有貧音何弗以此皇之纏
樹何為。帝善屬文不欲人出其右薛道衡死帝曰
更能作空梁落燕泥否王胄死帝曰復能作庭草無
人隨意綠耶。至高墳八建康帝馳告令留張麗華
類斬張帝聞之變色曰無德不報吾必有以報高公
卒殺之。帝幸江都作詩云求歸不得去真成遣箇
春鳥聲爭勸酒梅花笑殺人。是年盜賊峰起道路阻
絕遂無歸心以春三月被弑蓋遭春之應也。盛修
儀仗詔課州縣送羽毛民求捕之殆無遺類鳥程有
高樹踰百尺上有鶴巢民欲取之不可得將伐其根
鶴恐殺其子自拔髦毛投地。徵求螢火得數斛夜
出遊山放之光徧巖谷。有石自江浮入于揚子以
光四散如流血帝
惡之未幾被弑

附隋末唐初諸人 恭帝書

魏李密字元遂襄平人幼八衛楊帝見而問之宇文述
曰蒲由公李寬子密也帝曰是見瞻視非常毋入衛
已謝去書憤讀書聞包愷在緱山徑從學以蒲鞮乘
牛桂漢感一帙角上且行且讀越公楊素道遇之謂
曰何物書生勤乃爾因問所讀何書曰項羽傳素陰
乃之歸語其子元感元感遂與密為刎頸交元感之
謀逆也密進三策曰天了遠在遼海公若長驅入薊
直扼其喉前有高麗退無歸路不戰而擒此上計也
關中四塞吾批亢擣虛傾其根本為我造基此中計
也若隨近先向東都以引歲月則計之十矣元感曰
公之下計乃謂上策密知計不行退謂人曰楚公好
反而不求勝吾屬為虜矣未幾元感敗密潛窺淮陽
變姓名劉智遠聚徒教授村舍鬱鬱不得志為賦詩
詩成泣下數行時人恠之以告太守太守捕之密復
亾歸東郡賊翟讓讓敗密殺之稱魏公建元永平三
年與王世充戰敗降唐封邢國公後復叛盛彥師擊

隋書

共

竹

斬之

吳 李子通沂州人少貧以漁獵為生初依長白山賊大業十一年自稱楚王攻陳稜于江都沈法興杜伏威不能收校奔于通遂入據之武德元年僭稱吳帝建元明政凡三年敗弁餘杭因降伏威執送京師後煇

誅

楚 林士弘鄆陽人初與鄉人操師乞為盜師乞自號元興王建元天成大業十二年據豫章為隋將劉子翊射死士弘收其衆復戰殺子翊遂大振據虔州僭稱楚帝建元大平凡五年敗于蕭銑銑亡唐趙郡王孝恭攻之敗死

幽州 羅藝初為虎賁郎將大業十二年起兵涿郡殺太守自稱幽州總管武德二年降唐賜姓李封燕郡王貞觀元年復反攻拔幽州統軍

梁 蕭詠梁帝曾孫初為羅川令徵陽兵起推詠為主大業十三年僭稱梁帝建元鳳鳴凡四年唐遣趙郡王孝恭與李靖伐之斬于長安都市

夏 竇建德漳南人初入高羅泊為盜大業十三年據河間之樂壽自稱長樂王國號夏僭元丁丑又改五鳳凡四年將兵救王世充為唐秦王所殺

東海高士達大業七年聚衆清河自稱東海公隋將楊義臣擊斬之建德領其衆

濟陰孟海公大業九年起兵衆至數萬見人稱引詩書輒殺建德虜之

燕王須拔大業十一年起兵自稱漫天王衆至十餘萬中流矢而死魏才見領其衆自稱歷山飛北連突厥南寇燕趙大業十二年僭稱魏帝

太原留守李淵之建德并其衆

秦 薛舉金城人大業十三年隴西盜起與子仁果劫縣令起兵發粟濟貧自號西秦霸王據隴西僭元秦興

廿三年唐秦王滅之

定揚 劉武周景城人 大業十三年斬太守王仁恭開倉賑饑得兵萬餘 賧突厥立為定揚可汗 尋僭稱帝

號天興 凡四年 唐秦王滅之

梁 梁師都朔方人 為郡豪姓 大業十三年結徒為盜 殺郡丞唐世宗 據郡 稱大丞相 尋僭稱梁帝 號永隆 數

引突厥入寇 貞觀二年大兵伐之 其弟洛仁斬首以降 凡十二年

長樂 李子和蒲城人 本姓郭 以罪徙榆林 大業十三年郡饑 子和與死 七十八人 殺丞開倉賑饑 自稱承

樂王 僭號丑平 南連梁師都 北事突厥 始畢可汗 子 和為平陽天子 不敢當 乃更署為屋利 設武德元

年 獻款授靈州總管 後轉黔州都督 秦

許 字文化 及武川人 述之長子 弟士及 尚南陽公 王智

及 秦狂 勸兄化 及 弒陽帝 十江都立秦王 浩 西歸 至 聚酣宴 奏交樂 醉後 輒尤 智及曰 我初不知 都由汝

為計 今所向 無成 負殺主名 滅族 豈不由汝 智及人 怒曰 事捷不聞 歸功 敗乃歸罪 何不殺我 降建德 已

醒 則復飲 以此為恒 化及自知 必亡 嘆曰 人生故當 死 豈不一日 為天子乎 于是遂 燒殺 浩 自稱許帝 僭

元天壽 未幾 竇建德 斬之

涼 李軌姑臧人 義寧二年起兵 自稱河西大 涼王 尋僭稱帝 號安樂 凡二年 為唐所滅

梁 沈法興武康人 為吳興郡守 義寧二年 江都亂 遂起 兵 至毘陵 據其城 自稱梁王 僭元延 康 凡二年 將兵

救陳稜 以擊李子通 反 為所敗 自沉 下江而死

楚 朱粲城父人 祖 亾 命為盜 自稱 迴 樓 羅 王 義寧二年 自稱 楚帝 僭 元昌 達 凡二年 殘殺 無道 掠婦人 孺兒

蒸食之 謂其徒曰 味之美 寧有知人者 尋敗 降唐 復 叛 奔世 充 東都 平 斬 洛水 上 土 庶 競 擲瓦礫 擊其 尸

隋書

卷五

竹

須臾若家

鄭

王世充字行滿祖西域胡號支頽壽後徙新豐死妻歸霸城人王燦子收從之冒姓王生世充豺聲卷髮善以口舌緣餘人不能屈煬帝時李密逼東都以充有將略使為將軍屯洛口會江都弒逆越王侗立封鄭國公武德元年遂矯侗策禪位國號鄭僭元開平凡三年唐秦王滅之

吳劉元進大業九年起兵眾至數萬據吳郡僭稱天子世充討平之

祝阿盧明月大業十年起兵眾至四十萬自稱無上王世充破之

肝昫孟讓大業十年起其長白山眾至十萬人據梁官世充破之

燕格謙大業十二年起兵眾至十餘萬自稱燕王世充斬之

燕高開道信陽人世煮鹽為生初依河間賊武德元年據北平漁陽自號燕王先是懷戎浮圖高墨戡殺縣

殺墨戡并其眾僭稱帝號始安凡六月愛將張金樹

之

漢東

劉黑闥漳南人初亡命為盜後為竇建德將建德滅故將范願等立黑闥為報仇盡復其故地武德五年稱漢東王號天造凡一年唐秦王擊走之後復引突厥入寇唐將諸葛德威執送太子建成斬之

宋

輔公祏臨濟人隋季與鄉人杜伏威為盜擊敗李子通後伏威歸唐封公祏為淮南道行臺僕射武德五年伏威入朝封吳王公祏居守遂舉兵及僭稱宋帝據陳故宮以張善安為西南道大行臺善安降唐公祏勢遂衰凡二年唐趙郡王孝恭擊斬之傳首京師善安亦伏誅

魯

徐圓朗兗州人隋末為盜據本郡擁兵二萬先附李密密敗歸竇建德會黑闥兵起執葛國公盛彥師應之武德五年自號魯王凡一年唐淮安王神通與李世勣合兵攻之圓朗棄城夜走為野人所殺

宋書

卷南史

樂

周衰有前漢虞公者善歌歌能令梁上塵起秦青者善謳薛談學謳于青不窮青技忽辭歸青棧之郊為撫節悲歌聲振林木響過行雲談遂留不去以卒其業又有韓娥者東之齊至離門樞匱乃鬻歌假食既去餘響遶梁三日不絕過逆旅逆旅人辱之娥因曼聲悲歌一里老幼俱悲愁垂涕三日不食遽追之韓娥還為曼聲長歌一里復喜躍亦舞忘其向之悲也因厚遺之去

五行

晉惠帝世梁國女子有已受聘而未嫁者其夫戍長安經年不歸文家更以適人女不樂行父母逼之不得已去尋得病亡其後夫還問女所在家人其道所以夫不勝哀悼往省女慕私發家開棺哭之女遂活因與俱歸後婿聞訟之官官不能決以聞于朝秘書王導議還前夫詔從其議晉安帝時無錫人趙朱年八歲一日暴

王鍾惡

鍾惡王猛孫也五月五日生猛奇之曰昔孟嘗君生惡

目而相齊是兒亦必興我門矣遂名鍾惡年十三苻氏敗投颺池人李方家方善遇之鍾惡謂方曰若遭英確王取萬戶侯當厚相報方曰君丞相孫才謂如此何憂不富貴至時願見用為本縣令足矣後從高祖人關定三秦師次颺池造方升堂拜其母厚加酬資即授方颺池令關中既定鍾惡收子女玉身甚盛帝以功大置之時有白鎮惡異志者帝陰使人胡之見其方剝取飾牽盜銀而棄輦于垣側乃稍安帝將東歸留子義真鎮長安命鍾惡與沈田子王脩諸人為輔時田子方與鎮惡爭功帝私謂田子曰鍾會不得遂其亂為衛瑾等在也語曰猛獸不如羣狐有卿等十餘人何懼鍾惡于是帝發未幾而田子遂襲殺鎮惡王脩因殺田子

徐湛之

湛之高帝姊會稽公主子帝微時甚貧嘗于新洲伐荻服衲布衫襖皆敬皇后手製帝既貴以此衣付公主曰後世若有驕奢不節者可出此示之及湛之得罪文帝

宋書

將致辟公主急符錦囊入宮見帝不及行禮竟作囊中
取衲衣擲地示上曰汝家本貧賤此是吾母為汝父手
製衣今日有一頓飽飯便欲戕害我兒子上乃釋湛之

劉邕

邕嗜食瘡痂以為味似鰻魚嘗詣孟靈休靈休先患灸
瘡痂落牀上邕輒取食之靈休大驚邕曰吾性好嗜此
于是靈休瘡痂未落者悉褫取以餽邕邕既去靈休與
何勗書曰劉邕向顧見嗽遂舉體流血後為南康史二
百許人不論有罪無罪遞與鞭鞭瘡痂用以給膳

劉伯龍

伯龍少家貧及長歷位尚書左丞少府武林太守而貧
益甚一日在家慨然召左右商什一之方忽見一鬼在
旁撫掌大笑伯龍乃嘆曰貧固有命耶乃復為鬼笑遂
止

羊欣

欣沈覽經籍尤工隸書年十二時從父烏程會王獻之
為吳興太守甚相知愛獻之嘗夏月入縣欣方著新絹

延之有才各性狷介長子竣既貴重權傾一朝延之心
惡之資供絕不受嘗乘羸牛車逢竣鹵部即屏倨逆側
謂竣曰吾平生不喜見要人今不幸見汝竣大起宅延
之謂曰善為之毋令后人笑汝拙也嘗早過竣見賓客
盈門而竣猶臥未起怒曰出糞土之中升雲霓之上而
驕盈若此其能久乎卒敗

謝莊

莊字希逸士歲能屬文文帝見而奇之曰藍田生王豈
虛也帝掌命琴臣作赤鸚鵡賦時袁淑文各籍甚賦就
以示莊及見莊賦歎曰江東無我卿當獨秀遂匿其賦
不出孝武嘗問顏延之謝希逸月賦何如答曰美則美
矣但莊始知隔下里今共明月帝各莊語之莊應聲曰
延之作秋胡詩始知生為久離別沒為長不歸帝拊掌
大笑孝武嘗賜莊寶劔莊以與魯爽後爽叛帝偶因宴
問及劔所在答曰昔與魯爽別竊借為陛下杜郵之賜
矣時爽叛故云人多其敏辯

謝孺子

宋書

州

行

孺子少與族兄莊齊各精聲律車騎將軍王或孺子姑
子也嘗宴桐臺孺子吹笙或自起舞既而美曰今日真
使人飄飄有伊洛間意孫徵亦有高韻嘗奉詔賦詩三
十韻限三刻成而微以二刻便就詩甚美

謝靈運

靈運晉車騎元孫也文章與顏延之齊名尤精書每為
文手自寫之文帝稱爲二實生平好奇標異所御輿服
多別立新製世咸宗之以爲謝康樂式也自負才地當
參權要而朝廷每以文士遇之意鬱憤遂放情山水鑿
山浚湖登峰陟嶺不憚幽險常著木屐上山則去其前
齒下山則去其後齒自始寧南山伐木開徑直至臨海
從者數百臨海太守王琇駭爲山賊已知靈運乃安已
改臨川內史遊放不異永嘉遂爲有司所糾司徒遣使
收之靈運乃與兵自固爲詩曰韓休子房奮秦帝仲連
恥木自江海人忠義感君子使者執送廷尉上猶原之
從廣州後竟棄市

謝惠連

惠連族兄靈運每云吾有篇章但對惠連輒得筆行
始生春草句大以爲工云此有神助非吾語也

蕭暕

暕家樂器服玩竝極珍麗妓妾皆有盛飾而皆所檢止
甚卑陋惟一厨盛耗薪耳弟子冬無被叔父單布衣暕
絕無所顧惜士論以此少之

王韶之

韶之家貧者學嘗見樾三日而不務卷家人謂之曰窮
如此何不耕韶之答曰我常自耕耳時王淮之亦以學
業著會祖彪之祖臨之父納之竝博聞強識練習朝典
家世相傳集江左舊事緘之青箱世號王氏青箱學

營道侯義綦

綦封營道侯爲始興王濟兄弟所戲弄濟嘗謂綦曰陸
士衡詩云營道無烈心其何意苦阿父如此綦曰士衡
初不相識不知何以忽見苦人競傳爲笑柄

劉韞

韞才凡鄙爲湘雍二州刺史嘗使善何者圖其出行鹵
簿羽儀時自披覽一日以圖示蔡興宗興宗陽若不解

者指韞像問曰此何人而在舉上韞曰正是我世為傳

劉德願

願性相鄙為孝武帝所狎帝寵殿貴妃如薨既葬猶數
與羣臣省妃墓一日願謂願曰卿哭貴妃若悲當加厚
賞願應聲號慟撫鹿擗壤涕泗交流上悅以為像州刺
史帝又令醫人羊志哭妃志遂大哭他日人問志卿那
得此副急淚志荅曰吾自哭于妾耳蓋志時新喪妾也

始安王休仁

廢帝在悖無道嘗于休仁前使左右逼淫休仁生母楊
大如左右不得已並順命欠至右衛將軍劉道隆道隆
曲意奉旨盡諸醜狀一日欲殺明帝令保之縛手足以
杖貫其隙使大擔付大官曰即日屠猪休仁笑謂曰今
日未應死帝問其故休仁曰待皇子生殺猪取其肝陳
帝乃意解曰且付廷尉一宿出之時廷尉劉矇妾孕臨
日帝迎入後宮冀生男立為太子故云其後休仁竟殺
于明帝

范師年

范師年與明帝言次偶及廣州會泉因問相年卿州有此
水荅對曰梁州惟有文川武鄉廉泉讓水又問卿宅在
何處荅曰臣所居在廉讓之間

劉休

明帝甚惡妬婦休妻王氏如帝聞之為陽休妾朝與王
氏二十杖仍令于宅後賣皇焚掃帚以辱之時問書石
丞勞彥遠者以善恭親于帝而婦妬傷其而帝見詰知
之謂曰吾為卿斷此患何如彥遠應爾爾其夕齋鷓賜
死

袁粲

祭清整有風操嘗謂人曰昔有一國國中一小號曰狂
泉國人飲此水無不狂者惟國君穿井而汲獨無恙國
人既並狂反謂國君之不狂為狂于是聚謀其執國主
療其狂疾火艾針藥莫不畢具主不在其苦亦到泉所
酌水飲之飲畢便狂若臣大小其狂若一眾乃權然分
我不狂難以獨立此亦欲飲泉其大致若此一蕭道成
將革命祭自以身受願託事二姓與宗登劉彥節深
相結謀起義道成覺遣戴僧靜攻之祭知事不濟還坐

列燭自照謂其子最曰本知一本難支大厦徒以名義不能汲汲耳僧靜舉刀最抱父大叫乞先死時兵士人墮淚祭曰我不失忠臣汝不失孝子仍舉筆作啓云臣誼奉大宋矢無二心今便歸魂墳隴永就丘山投筆遂遇害 祭既遇害有幼兒方數歲乳母攜之投祭門生狄靈慶靈慶曰吾聞出郎君者有厚賞乳母號呼曰公昔于汝有恩故冒難歸汝若殺郎君以求利神明有知行見汝滅門也兒竟死兒存時故嘗馳一犬耗狗戲死後年餘忽有狗走入靈慶家遇靈慶于庭即嚙殺之併嚙殺其妻乃即袁郎向所騎狗也

齊書 蔡南使

始興王鑑

鑑高祖子在益州時有盜發古冢者得銀器十餘種並古形玉璧三枚金銀為蠶蛇形者數斗諸珍寶甚多皆不可識又以朱沙為阜水銀為池左右咸勸取之鑑曰皇太子昔在雍有發古冢得王鏡玉屏風之屬盡將還都吾心非之今安得躬騎此乃命功曹為起費諸物一不得犯效璧儉限祖者獻淳于古禮器也高三尺六寸六分圍三尺四寸圓如箭銅色黑如漆薄其上右銅馬以繩繫馬令去地尺飲灌之以水又以器盛水于下以芒產當心跪注淳于以手振芒則聲如雷清響良久乃絕古所以節樂也

衡陽王鈞

鈞高祖子性嗜文學嘗手寫五經置巾箱中曰巾箱中有五經既便檢閱且一更手寫則永不冷于是諸王爭效之世傳巾箱五經

王敬則

敬則本武人與王儉俱進聞府儀同時徐孝嗣侯儉嘲儉曰今日可謂連璧儉曰不意老子遂與韓非同傳孝嗣大笑人以告敬則敬則飲然曰我南沙縣吏僥倖逮風雲以至此武帝嘗令羣臣賦詩敬則撫其紙曰臣幾落此奴度內帝問何故答曰臣若解書不過作尚書郎令吏耳耶得今日

張敬兒

敬兒饒膂力而性貪殘鎮襄陽見人間一物甚用必奪

取嘗于城西起宅欲移羊叔子墮淚碑而于其處置臺
或諫曰此羊太傅遺蹟不宜輕徙敬見曰犬傳是誰自
不識字及為方伯始習讀孝經論語初在宋世本名狗
見其子即名猪見宋明帝為敬見猪見亦改恭見

劉善明

善明少立節行嘗言在家當孝作吏當清邑累歷州郡
頌讀賄崔祖思惟而問之流涕答曰管子有云叔牙知
我方寸亂矣豈暇為廉蓋善家青州魏克青善明母在
焉徒置代郡所得金錢盡以贖母及母至而清節仍峻
及卒家無別儲惟書八千卷高帝聞其貧賜葛塘屯穀
正百斛曰葛屯亦吾之垣也

孔珪

珪風韻清疏好文嗜飲與外兄張融情趣相得又與王
思遠儉黠炎居恒惟尋訪山水先几獨酌每飲輒七八
斗門進之內草萊不剪頗有蛙鳴或問之曰欲為陳蕃
乎走笑曰何必效陳蕃吾以當兩部鼓吹耳王晏嘗鳴
鼓吹侯之聞羣蛙鳴曰殊聒人耳珪曰我聽鼓吹殆不
此及晏為之

張緒

緒為太子詹事每朝見武帝必日送之謂于儉曰緒以
位尊我我以德貴緒時益州獻蜀柳數株枝葉甚長狀
如絲縷舊宮芳林苑始成帝命植靈和殿前賞玩咨嘆
久之曰此楊柳風流可愛似張緒當年

張融

融元義無師法而神解過人高談無對高祖素愛之常
笑曰此人不可無一不可有二武帝一日問融在何處
對曰臣陸處無屋舟居非水他日上以問融兄緒緒曰
融近東出未有居止權亭一小船于岸上在上大笑
時有薛伯宗者善徒癰疽公孫泰患背疽伯宗為氣封
之從置齋前柳樹上明且疢消樹便起一瘡如拳大稍
稍長二十餘日瘡大潰爛出黃赤汗斗餘樹為之痿損

陸澄

澄以博物著竟陵王子良得一古罈小口方腹而底平
可將七八升以問澄澄曰此名服匿單于以賜蘇武子
良詳視器底有字可識果如澄言

已陵王子倫

明帝之殺子倫也。使茹法亮圖之。法亮以屬典義華伯茂。伯茂賞鳩毒倫。左右莫敢動。倫整衣冠受詔。徐謂法亮曰：「積不善之家，必有餘殃。昔高帝殘滅劉氏，今日之事，理數固宜。亦復何懼？若是我家舊人，今銜此命，當由事不獲已。此酒非勸酬之具，不敢相先。遂仰之盡而卒。」先是高帝為諸王置典籤，一方事悉以委之。入覲則刺史黜陟皆憑其口。于是權重諸藩，莫敢衡命。

梁書

參南史

豫章王綜

綜武帝第二子。母吳淑媛。先寵于東昏。入梁帝幸之。七月而生。綜已淑媛寵衰，頗怨望。綜年十四五，夢一年少貌甚肥，自挈其首對綜，如是者非一。綜心怖，頻問淑媛。淑媛摹其狀似東昏，因密語之。汝七月日生兒，安得比諸皇子。幸勿洩。綜遂相抱哭。自是每于靜室中閉戶籍地，披髮席藁，輕財結上，以伺風雲。又常于齋內布沙地上，終日跣行至日二百里，以習勞也。外人並知其有異。而帝不疑。綜在徐州，每逢歲時，即于別室禱齊民。俗廟又累微行至曲阿，拜齊明帝陵，然猶無以自信。聞俗說以生者血瀝死者骨，滲即為父子。遂私發東昏冢，出其骨瀝血試之，既滲矣。會已生次子，月餘潛殺之。為取其骨，又試之，又滲。于是乃密求北來道人法鸞，使入北通于蕭寶寅，謂為叔父，因以通于魏。久之，謀出鎮彭城。一夕馳三騎開北門，竟奔蕭城，自稱隊主。見元延明而非，問名氏不答。有識綜者曰：「豫章王也。」遂送洛陽。武帝聞大駭，削其屬籍。綜在魏不得志，為作聽鐘鳴悲落葉等篇當世悲之。

武陵王紀

紀僭號于蜀。改元天正。時永豐侯撫嘆曰：「王不免矣。昔桓元建號大京，識者為之二月了。而元敗實在仲春。今日天正在文為一止，其能久乎？未幾敗，先是王將僭號內寢殿，栢柱繞節生花，其莖四十有六，羅靡可愛。狀若荷花。識者比之王敦杖花，非佳事也。」

臨汝侯猷

猷為吳興郡守，與楚王廟神交權。恒至一斛，每酬祀必

盡權極醉神影亦有酒色有禱必驗後為益州刺史江
陽人齊狗兒反率眾十萬攻州城猷乃遙禱請救是日
田老逢一騎從東來問去城幾里曰百四十時日已晡
騎舉稍曰後人來及日破賊俄有數百騎過捷疾如風
田老問為誰曰吳興楚王來救臨汝侯當是時廟中侍
衛上偶皆濕如汗云

沈約

約待武帝宴有一妓師是齊文惠時官人帝問之曰識
坐中客不妓曰惟識沈家食耳約伏地流涕帝亦愴然
約晚年味榮利每進一官必殷勤請退終不能去論者
方之山濤約孫衆亦有文詞帝常召見合為竹賦賦
成土之帝勅報云卿文體翩翩可謂無忝爾祖已降侯
景復仕陳以非殷朝政賜死

康綽

魏降人王足獻計請堰淮水以灌青陽武帝然之為作
浮山堰綽董其役夾之以堤并樹杞柳軍人安者刻居
其上其水清澈俯視之居人墳墓了然皆在其下及秋
馬首者不可勝計

何胤

胤先仕齊為祭酒恒懷止足築室郊外號曰小山初胤
兄求黠並棲遁至是胤又隱世號黠為大山胤為小山

江淹

淹字文通少孤貧慕長卿伯鸞之為人博物多識雅好
著述自宣城太守罷歸泊禪靈寺渚夜夢一人自稱張
景陽謂曰前以一匹錦相寄今可見還淹探懷中得數
尺與之其人大恚曰那得割截乃爾顧見丘遲取以付
之又嘗宿冶亭夢一人自稱郭璞謂曰吾有筆在卿處
多年可見還淹乃探懷中得五色筆一以授之自是文
思漸窒絕無佳句時謂之才盡

任昉

昉性至孝尤好士多所獎借經其延譽者每見甘擢而
清約無營其自郡還臺也至衣不能全後復出守新安
卒于官有子四人皆流離不克振生平舊交莫有相收
恤者次子西華嘗于冬月著葛帔練裙道逢劉孝標滋

然矜之謂曰我當為卿作記因著廣絕交論論成到漑見直抵之地終身恨之蓋漑嘗藉昉延譽也

張率

率年十二能屬文至十六詩賦頌已及二千餘首有虞訥者見而詆之率乃一旦焚毀更為詩示訥詭云此沈約作也訥便句句差稱無字不善率徐曰是吾作耳訥大慚後武帝見其詩賦勅曰相如工而不敏枚臯敏而不工卿可謂兼二子千金馬

羊侃

侯景之圍臺城也初為尖頂木驢來攻矢石不能制侃作雉尾炬施鐵鍬灌以油擲驢上焚之立盡俄又東西兩面起土山臨城城中震駭侃命為地道潛引其土山不能立賊又作登城樓車高十餘丈欲臨射城內侃曰車高壅虛彼來必倒可臥而觀之無勞設備矣車動果倒賊既頻攻不克乃築長圍朱异等議出擊之侃曰不可賊久攻不克其立長圍欲引城中降人耳今擊之兵少不足破賊若多萬一失利門隘橋小自相蹂躪必大坐此自弱也异不從一戰敗退爭橋赴水死者大集

陳書

參南史

侯安都

文帝之立安都自以定策功驕倨無忌每有表啓既封訖或復開封書云又啓某事嘗陪宴樂遊苑忽問帝曰何如作臨川上帝帝不應復再三詰之帝曰此雖天命抑亦明公之力宴訖又啓借供帳明日將載妻妾遊御堂帝勉許之及明安都來自坐御座賓客居羣臣位稱觴上壽自是帝陰為備

吳明徹

明徹幼孤有至性年十四悲先人墳塋未備勤耕以為地會天大旱苗稼焦枯徹哀憤為號泣田間仰天自訴如是者累日苗忽更生及秋大穫足充葬用已位通顯家有粟三千餘斛而隣多飢餒時所在盜賊蜂起徹謂兄曰與其為盜齋曷若與鄰里共之于是計口散給畧盡羣盜聞而去之

陳書

卅六

竹

陳暄

暄才俊逸放浪無檢後主在東宮時引為學士與孔範等並為狎客嘗侮之至倒懸于梁臨之以刃或使作賦仍限以晷刻暄亦援筆即成而傲弄轉甚一日搏艾為帽加其首以火蒸之然及髮暄號泣之聲徹外賴衛尉柳莊得釋

岳陽王叔慎

楊素兵下州州內將士謀且降叔慎置酒大會酒酣嘆曰君臣之義盡于此乎長史謝基伏地流涕時遂興侯正理憤然起曰主辱臣死諸君獨非陳臣乎縱其無成猶見臣節遂與眾盟遣人詐降誘素將龐暉伏甲斬之已素兵至叔慎被殺

魯廣達

廣達少慷慨立志功名隋兵入廣達躬擐甲胄手執桴鼓拒賀若弼干鉞曰若弼為之屢退已勢不支乃解甲面臺再拜慟哭曰我不能救國負罪多矣士卒皆涕泣後入隋追痛本朝憤鬱而死

蕭摩訶

蕭摩訶中隋將賀若弼乘虛襲京只摩訶請兵逆戰不許若弼至鍾山摩訶又請曰賊懸軍深入聲援尚遠墨漸未堅出兵掩襲必可大克復主又不許及清軍太至後主乃言公可為我一決摩訶曰從來行陣為國為身今日之事兼為妻子已出軍諸將支離陳未合而先潰摩訶無所用力被執見若弼時後主已先被幽摩訶請曰今為因虞命在斯須願得一見舊主死無恨弼許之摩訶入見于德教殿俯伏號慟仍入舊樹取食進後主辭訣而出守衛者至莫能仰視

袁憲

憲為尚書撲射隋軍入朝堂百官皆走獨憲侍不去後王謂曰今日可謂歲寒知松栢也非惟由我無德亦是江東衣冠道盡後主將避匿憲正色曰大事至此避將安之臣願陛下正衣冠御前殿依梁武見侯景故事後主不從下榻馳走憲從出景陽殿後主忽投并憲哭拜而出

南朝外國

南朝

卅九

阿羅單朱書

元嘉七年國王遺使獻金剛指環赤鸚鵡十年奉表稱常勝天子陛下十三年又上表稱大吉天子足下

林邑

林邑王范楊邁初產時母夢人以金席藉之光色奇麗遂名楊邁楊邁者華言紫磨金也邁死子咄立慕其父仍改名楊邁林邑古越裳界即漢馬援植兩銅柱處國有金山石皆赤色其中生金金夜則出飛狀如螢火又有吉貝吉貝樹名也其華如鵝毳抽其緒紡之以作布潔白與紵同可染色又有沉水沉水者土人所斷積以歲年朽爛而心節獨在置水中則沉不沉不浮者曰窠香國不設刑法有罪者使象踏殺之嫁娶必八月友先求男奉梁書

芮芮

芮芮者塞外雜胡也元魏既南芮芮盡有匈奴故地其國相希利聖解星算術數嘗言南方必有姓齊者當與太祖踐祚遺使人貢書稱上為足下自稱吾齊書

扶南

扶南東界即大漲海海中有大洲洲上有諸薄國國東有馬五洲復東行漲海千餘里至自然大洲其上有樹生火中火剝其皮紡績作布以為手中若小垢汗則投之火更復精潔或作燈炷用之不知盡南界三千餘里有頓遜國其國迴入海中于餘里漲海無崖岸船舶不得逕過市東西交會日有萬餘人珍奇異實無所不有又有酒樹似安石榴采其花汁停瓮中數日便成酒扶南國文身披髮不製衣裳王女人號柳葉年少壯健似男子其南敷國有事鬼神者字混填夢神賜之弓乘賈舶入海填晨起請廟果于神樹下得弓便依夢乘船八海至扶南外邑柳葉人眾兒胎欲劫取之混填張良射及侍者柳葉大懼舉眾降填填教柳葉穿布貫頭形不復露遂君其國納柳葉為妻扶南無牢獄訟者齋三日燒斧極赤令訟者捧行七步又以金環雞卵投沸湯中令探取無實者手即爛有理則不又于城溝中養鱷魚門外圍猛獸有罪者輒以餒之魚獸不食為無罪三日乃放參南吏

毘騫去扶南八千里傳其王身長丈二頭長三尺古來不死莫知其年其子孫生死如常人王甚神國人善惡及將來事皆知之無敢欺者山出金金露出石上無所限國法刑罪人並于王前食其肉

婆利

婆利在廣州東南海中土氣蒸熱如中國之盛夏穀一歲再熟草木常榮其王頭著金冠坐金高坐以銀踏支足天監中遣使貢金席白鸚鵡等物表文略云伏惟皇帝是我真佛臣是國王今敬稽首聖王足下惟願大王知我此心此心久矣非適今也云云

中天竺

中天竺即身毒國地方三萬里列國數十人民敦謹土地饒大國有恒水味甘美下有真鹽色正自如水晶產火齊璚瑁金銀等物火齊狀如雲母色如紫金有光耀薄如蟬翼積之則如紗縠之重香西與大秦安息交市市珊瑚金碧珠璣琅玕鬱金蘇合筆物蘇合者合諸香汁煎之非自然一物也鬱金獨出罽賓國華色正黃而細與芙蓉華裏波連者相似國人先取以上佛寺積日

維葉波等下六天國去天竺三千里天監初中天竺王遣使獻方物表文未云大子若有所須珍奇異物悉當奉送此信還國願賜一使其宣聖命望不空還云云

師子

國在天竺旁舊無人民止鬼神及龍居之諸國商賈來市俱不見形但出珍寶顯其價值商賈依值取之諸國人聞其土樂競往焉遂成大國晉義熙初嘗獻玉像高四尺二寸王色瑩潔形製殆非人工此像歷晉宋世在瓦官寺至齊東昏毀之為潘妃作釵釧

新羅

新羅辰韓種在百濟東南五千里其俗呼城口健牟羅邑在內曰啄評在外曰邑勒有六啄評五十二邑勒官有子賈旱支齊旱支謁旱支壹告支奇貝旱支等名冠曰遺子禮禱曰解袴曰柯牛靴曰洗

倭

倭自云太伯之後有獸如牛名山鼠又有大蛇皮堅不可碎上有孔乍開乍閉時有光射中孔則蛇死國西南

萬里有海人身黑眼白其肉美行者或射而食之

文身

國在倭北七千餘里人文身額亦有三文文直者貴文小者賤土俗豐樂行者不齋糧工居壯麗多飾以金寶繞屋為塹廣一步實以水銀兩則流于水銀之上

扶桑

國在大漢東二萬餘里地多扶桑木葉似桐初生如笋實如梨而赤國人食之績其皮可為布為綿為紙無兵甲不攻戰國王衣色隨年改易甲乙青丙丁朱戊己黃庚辛白壬癸黑牛角最長以角載物至勝二十斤

女國

國在扶桑東一餘里女容端正潔日身有毛髮長委地二三月競入水則娠六七月生子習前無乳項後生毛根白毛中有汁以乳生子生百日即能行三四年成人矣備畏丈夫食鹹草草似蒿而氣香味鹹國有樹神歲初以人祭或用獼猴祭畢入山祝之有一鳥如唯雉來集掌上破其腹視有粟則年豐沙石則有灾謂之鳥卜

轉與妻並坐接客禮尚一拜國女少兄弟共妻

北齊書 參北史

高洋

洋少時與兄弟同在父側父欲試諸子意識各使治亂絲洋獨抽刀斬之曰亂者須斬父奇之從兄澄過遼陽山獨見天門開餘人無見者及即位狂惑無度一日手持矛槊遊行市廛見一婦人問曰天子何如答曰顛顛癡癡何成天子遂殺之時三臺構木高二十七丈兩棟相距二百餘尺工匠危怯皆繫繩自防洋獨登春疾走略無怖色復于其上雅儻旋折見者靡不胆寒所幸薛嬪甚寵愛忽意其與高岳通無故斬首納之懷中旋赴東山宴勸酬甫合忽深頭沒于村上復取弄其髀為琵琶一坐驚怖喪膽良久復收之對之流涕云佳人難再得殊可惜也因命載尸出被髮徒步哭而隨之

彭樂

樂驍勇絕世每戰必陷陳高歡西征與宇文泰對壘樂

乘醉深入被刺腸出內之不盡為截去復戰尋敗西師于邛山追泰甚窘泰還謂曰癡男子今日無我明日豈有汝何不急趣前營收金寶樂從之獲金帶一束以歸

耶律光

光工騎射嘗從高澄校獵射雲表一大鳥中其頸形如車輪旋轉而下乃鵬也遂稱落雕都督自結髮從戎百戰百捷嘗謂周人口歸我七年人不然取爾十倍周即歸之拓地五百里祖奭挾私恨讒之高湛會西魏韋孝寬忌光造謠云百升飛上天明月照長安謠傳鄴下邈遂以此中之竟被殺

崔瞻

瞻性簡傲以才地自矜所交皆一時名彥在御史臺必丁宅中送食備極珍美瞻恒別一室獨餐時有河東裴姓者亦為御史伺瞻食往造焉瞻不與言亦不命七筋裴坐觀瞻食罷而退明日裴自攜匕箸就之恣情飲噉瞻乃謂曰君能不拘小節定是名士自是每食必與共之

張遠遊

遠遊與諸術士合九轉金丹丹成以獻洋洋置之玉匣曰我貪世間樂未能即飛上天待臨死時取服

高浚

高洋末年昏狂特甚弟浚屢諫觸怒遂被收浚至盛以鐵籠與弟渙俱置北城地牢飲食澆穢共一處明年洋將左右臨穴譎誣介浚等和之浚惶怖且悲不覺聲戰洋為愴然將赦之長廣王湛進曰猛獸安可介穴洋默然遂合壯士劉桃枝就籠亂刺仍亂投薪火燒殺之填以上石後出其尸皮髮皆燼色如炭

高綽

綽始十歲愛波斯狗有婦人抱兒奪其兒以飼波斯狗綽聞之詔鑱至行在至則宥之問在州何事最樂對曰多取蠋將蛆混看極樂綽即夜捕蠋一斗比曉置諸浴斛使人裸臥斛中號叫宛轉綽與綽縱觀喜噱謂綽曰如此樂事何不早馳騁奏聞綽生于五月五日辰時綽生于五月五日午時綽後見殺經四百餘日始大斂色如生俗云五月五日生者腦不壞綽兄弟皆呼父為兄兄嫡母為家家乳母為姊姊婦為妹妹

高緯

北齊書

卷

附

周師逼鄴緯憂懼不知所之欲走突厥不果即律孝卿請慷慨流涕感激將士為撰詞使先識之臨時宣諭及出對眾不復記輒大笑左右羣詒眾遂解體未幾被執

高延宗

緯出奔鄴諸將無主延宗為眾所迫稱帝號未幾與周兵戰力屈被執延宗在鄴以十二月十三日晡時受勅守并州明日踐帝位是日即被圍經宿至食時敗年號德昌好事者言得二日天子云

周書 泰北史

耿豪

豪嘗從宇文泰戰邙山先謂所部曰大丈夫見賊須右手拔刀左手把稍直刺直所慎莫皺眉遂大呼獨人敵錄刃亂下咸謂豪已陷沒俄奮刀出當其前者死傷接踵又嘗謂左右曰吾豈樂殺人但壯士遇敵不得不爾若不能殺賊又不為賊所傷何異逐坐人也

陸騰

陵州木籠獠時險屢出少劫詔騰討之獠既困山為城攻之未易拔騰乃于城下多設聲伎諸雜樂為嬉戲示無戰心賊果有棄兵仗至攜妻子臨城觀樂者騰知其氣情無備遂密率眾軍併力齊上諸賊出不意惶懼失措騰遂縱兵討擊盡破之斬首萬餘級俘五千人騰以蠻獠多險遂量其山川形勢刊石開道因于路得故銘並諸葛亮桓溫故道也

李遷哲

遷哲累戰功爵安康郡公性華俊厚自奉養姬妾至百數生男女凡六十九緣漢千餘里間第宅相次合姬人有子者分處其中遷哲往來遊幸鳴笳導從縱酒醺酣極生平之樂子孫參見或忘其年名者披簿審之

于謹

周主邕嘗幸太學謹為三老南面憑几坐邕乃北面訪道於謹曰猥當天下重在自惟不才不知政術之要公其教之三老起立答曰木從繩則正后從諫則聖又曰治本在忠信古人去食去兵終不去信又曰為國有法法者國之紀綱賞罰不可不願陛下慎之語畢周主再拜受教三老各拜禮成而出子翼有識度與兄實先

周書

四四

竹

後為渭州刺史並有惠政時比之大小馮君

柳蚪

蚪以史官密書善惡不足示勸懲上疏請詔諸史官凡所記事必當朝顯言其狀然後付諸史閣庶令是非明著足垂警省從之時論文體有古今之異蚪以為時有古今非文有古今為著文質論尤脫畧人開敝衣蔬食入或譏之蚪曰衣不過適體食不過充饑孜孜管求徒勞思慮耳士論高之

宇文贊

贊每自比上帝不喜人有高大之稱諸姓高者改為姜稱高祖為長祖凡稱上及大者俱改為長有天者亦改之自稱天元皇帝母為天元太后五后俱為天大皇后飲食器率用宗廟中罇彝圭瓚之屬

韋世康

世康恬素好古不以得喪榮懷任絳州刺史悠然有止足之意貽其子弟書曰吾宿治纒在驅馳不已四紀于茲志除三惑心慎四知奉不貪以為寶處脂膏而冀澗今耄雖未及壯年已謝霜早梧秋風先漬柳旅豈須多

防滿則退年不必莫有疾便辭其雅致如此性孝友以諸弟並隆貴獨季弟世約宦途不達乃舉父時田宅盡推與之

諸國

隋胡

隋胡一曰步落稽俗淫穢處女尤甚將嫁者必淫吉叙離夫氏聞之以多為貴既嫁後慮亦防閒

笑厥

笑厥古匈奴別部其王初立近侍重臣與之以擅隨日轉九回每一回臣下皆拜拜訖乃扶養乘馬以帛絞其頸使纔不至絕然後釋而急闕之曰汝能作幾年可汗其王既精神昏亂不能詳定多少臣下乃隨其所言以驗俗短之數旗纛之上施金狼頭侍衛之士謂之附離華言亦狼也蓋木狼種故以示不忘本云

吐谷渾

國王半金師子牀號其妻為恪尊其俗婦人皆貫珠束髮以多為貴婚姻貧不能備物者輒盜女去國有青海周千餘里內有小山冬水合則以良牝馬置山上至來

冬收之馬皆有孕所生駒號龍種多駿異世號青海駿者此也土出犛牛鳥冬鸚鵡

鄯善

即古樓蘭國東去長安五千里北即白龍堆西北流沙數百里夏月有熱風為行旅患風將至惟老駝知之即鳴而聚立埋其口鼻于沙中人即將羶擁閉鼻口其風送駛斯須過盡即免患不則危

獻

嘯嗙東去長安一萬餘里即王舍城也其俗兄弟共娶一妻夫無兄弟者妻戴一角帽若有兄弟者依其多少之數更加帽角

波斯

波斯去長安一萬五千三百里王姓波斯氏王即位即擇諸子中賢者密書其名封之庫諸子及大臣皆莫之知也王死乃其發書視有名者即立為王其俗以六月為歲首尤重七月七日十二月一日是日民庶以上節設會作樂極歡娛城外有人別居專知喪葬事號不

隋書卷之八

天文志

昔者榮河獻籙溫洛呈圖六文摛範三光窈備則星官之書自黃帝始高陽氏使南正重司天北正黎司地帝堯乃命羲和欽若昊天夏有昆吾殷有巫咸周之史佚宋之子韋魯之梓慎鄭之裨竈魏有石氏齊有甘公皆能言天文察微變者也漢之傅天數者則有唐都李善之倫光武時則有蘇伯元郎雅光並能參伍天文發揚善道補益當時監垂來世而河洛圖緯雖有星占星官之名未能盡列後漢張衡為太史令鑄渾天儀總序經星謂之靈憲其大略曰星也者體生于地精發于天紫宮為帝皇之居太微為五帝之坐在野象物在朝象官居其中中央謂之北斗動係于占實司王命四布于方為二十八星日月運行歷示休咎五緯經次用彰禍福則上天之心于是見矣中外之官常明者百有二十可名者三百二十為星二千五百微星之數萬一千五百二十庶物蠢動咸得繫命而衡所鑄之圖遇亂煙滅星官

隋書

卷之八

天文志

名數今亦不存。三國時吳太史令陳卓始列廿氏石氏
巫咸三家星官著于圖錄并注占贊總有二百五十四
官一千二百八十三星并二十八宿及輔官附坐一百
八十二星總二百八十三官一千五百六十五星宋元
嘉中太史令錢樂之所鑄渾天銅儀以朱黑白三十用
殊三家而合陳卓之數高祖平陳得善天官者周墳并
得宋氏渾儀之器乃命庾季才等參校周齊梁陳及祖
晰孫僧化官私舊圖刊其大小正彼疎密依準三家星
位以為蓋圖旁摛始分甄表常度并具赤黃二道內外
兩規懸象著明纏離攸次星之隱顯天漢昭回宛若穹
蒼將為正範以墳為太史令墳博考經書勤于教習自
此太史觀生始能識天官揚帝又遣宮人四十人就太
史周別詔袁充教以星氣業成者進內以參占驗云史
臣于觀臺訪渾儀見元魏太史令昴崇所造者以鐵為
之其規有六其外四規常定一象地形二象赤道其餘
象二極其內二規可以運轉用合八尺之管以窺星度
周武帝平齊所得隋開皇三年新都初成以置緒觀臺
之上大書府而用焉馬遷天官書及班氏所載妖黑新

理雲氣虹蜺存其大綱未能備舉自後史官更無紀錄
春秋傳曰公既視湖遂登觀臺凡分至啓閉必書雲物
神道司存安可証也

高頴

頴有幹略文帝嘗咨以取陳之策頴進曰江北地寒
收差脫江南上熟水田早熟量彼收穫之際微徵上
聲言掩集敵必屯兵禦守便可廢其農時及彼聚兵我
還解甲冉三若此敵以為常後更集兵彼必不信猶豫
之頃我忽濟師出其不意破之必矣又江南土薄舍多
竹茅所有儲積皆非地害密遣行人因風縱火待彼修
立更復燒之不出數年可令彼財力俱困帝川具策卒
敝陳

牛弘

開皇初弘為秘書監表言書有五厄因請廣獻書之路
孔子開素王之業定禮刊詩正五始闡七翼而秦皇一
燬略盡一厄也漢興藏書置策校讐文典斯盛而王莽
求遺書于天下劉向父子奉詔校讐文典斯盛而王莽
之未並從焚燼二厄也光武嗣興先求文雅肅宗親臨

隋書

四七

竹

講肄和帝數幸書林于是蘭臺石室秘牒填委及獻帝
移都圖書練帛盡為帷囊收而西者裁七十餘乘而西
京大亂一付燔炬三阨也魏文更集經典藏在秘書內
外三閣令鄭默刪定舊文朱紫有別晉代承之荀勗檢
定內經更著新簿屬劉石惠陵復遭散佚四阨也永嘉
後寂滅無聞及劉裕平姚雅意圖籍五經子史才四千
卷皆赤軸青紙文字古拙並歸江左王儉依劉氏七略
撰為七志梁阮孝緒亦為七錄總其書數三萬餘卷侯
景滅梁雖從兵火而文德殿內書史宛然猶存蕭繹因
之公私收集至七萬餘卷悉送荊州已周師入郢繹盡
焚之外城存止十一五阨也邇者御出單本合一萬五
千餘卷部帙之間仍有殘缺比梁舊目未及其半誠宜
發明詔懸購賞不可令王府所無而私家乃有上納其
言遂下詔獻書一卷賚一緡于是一二年間篇籍浸備

楊素

素多權智馭戎嚴整每臨敵輒求人過失斬之多者百
餘少不下數十流血盈前言笑自若以是將十餘萬人
俄必死戰無不克九工文詞先在周武帝嘗合為詩下

華即成詞義兼美帝嘉之曰善自勉勿憂不富貴素對
曰但恐富貴來逼臣臣何心圖富貴及仕階位極人臣
尋常賞賜動以巨萬嘗賜金鉢一實以金銀鉢一實以
珠諸子俱位柱國刺史后庭伎妾曳綺繡者千計第宅
華奢制擬官禁家僅有鮑享者善屬文殷貴者工草隸
皆江南士人沒為奴其勢燄極盛近古未有也

劉行本

行本性剛烈有不奪之志文帝嘗怒一郎將答之行本
進曰此人素清其過又小上不顧行本直前曰陛下不
以臣不肖置臣左右臣言若是陛下安得不聽言若非
當致之理又安得輕臣而不顧遂置笏于地徑出上追
謝之為原答者

韓禽

禽既奉命平陳會突厥可汗來朝上問曰汝知江南有
陳國天子乎對曰聞之上命引可汗至禽前曰此是執
陳國天子者禽厲然顧之可汗不敢仰視已寢疾其隣
母見禽門下儀衛甚盛頗同王者母異而問之中一人
曰來迎上忽不見又有一人疾篤忽走至禽家曰我欲

隋書

四六

竹

謂王左右問曰何王荅曰閻羅王禽子弟欲撻之禽止
之曰生為上柱國死作閻羅王斯亦足矣未幾卒

賀若弼

弼自平陳後每自許宰相已楊素為右僕射弼仍將軍
意頗怨望上令除名嘗數之曰公有三太猛疾妒心太
猛自是非人心太猛無上心太猛 突厥入朝上嘗命
之射突厥一發中的上曰非弼莫能當此乃命弼弼亦
一發中的上大悅顧突厥曰此人天賜我也煬帝在東
官時嘗與弼論將略弼曰楊素韓禽是闕將非領將史
萬歲是騎將非大將太子曰然則大將謂誰弼頓首曰
惟殿下所擇意蓋以自許也卒被誅

蘇威

威以直亮見重帝嘗欲殺一人威諫不聽當前不去帝
欲出威輒遮止之帝拂衣入良久悟謝曰公乃能如是
帝嘗言楊素才辯無雙至斟酌古今非威匹也威若當
亂世商山四皓豈易屈哉然政尚苛細嘗作五教使民
無長幼悉誦之遂激變江南至有生鬻縣合而嗜其肉
者或執長吏抽其腸而殺之曰更能使我師五教不朝

論以此短之

杜正元

開皇中詔舉秀才正元試策高第楊素怒曰則孔更生
尚不得為秀才刺史何妄舉徑抵策于地時選期將盡
曹司為重啓素素意在試退正元乃命題擬司馬補如
上林賦王褒聖主得賢王頌班固燕然山銘張載劍閣
銘自鸚鵡賦且曰吾不能為君任宿可未時急就正元
及時脫稿素讀數過大驚曰真好秀才命吏部優叙

劉臻

臻耽嗜經史精兩漢書時人呼為漢聖而性恍惚于世
事多所遺忘文帝時位儀同時劉訥亦任儀同情好甚
密臻住城南訥住城東臻一日退朝欲尋訥謂從者曰
汝知劉儀同家乎從者不知為訥漫應曰知竟引還既
入門尚未悟據案大呼曰劉儀同可出矣其子出迎臻
謂曰汝亦來耶子荅曰此是大人家于是乃顧盼久之
詫曰吾欲造劉訥耳性好唱蜺以音同父諱呼為扁螺
麥鐵杖

鐵杖走及奔馬能日行五百里以事沒入配執御傘每

隋書

卷

竹

罷朝夜行百餘里至南徐州踰城入明火行劫且還及時仍執傘如是者十餘度州人識之以狀聞朝士見鐵杖每旦在不信也尚書蔡徵計于仗下時購送詔往南徐州者期以且報命獨鐵杖應募且還奏不失期帝曰此其為盜信矣惜其勇捷不罪後以功累官光祿大夫

裴矩

煬帝在江都屈突通改信至帝為失色左右驍果多有逃散者帝憂之以問矩矩多佞巧謂帝曰車駕留此已二年驍果之徒無眷屬則無固志臣請聽其納皇帝大悅曰此真妙計遂令矩檢校將士名江都境內寡婦及未嫁女皆集宮監令諸將卒悉所取又聽其自首先有姦通婦女及尼姑等並即配之由是諸驍果皆大喜曰此裴公惠也未幾宇文文化及叛諸逆黨皆曰不關裴黃門矩得脫時西域諸蕃多至張掖與中國交市帝命矩監其事矩揣帝意方勤遠略于是諸商胡至者誘令言其國俗山川險易為撰西域圖記三卷上之序云自漢氏開拓河右始稱名號者三十六國其後分立乃五十五王下今年代久遠或地是故邦改從今號或人非

舊類田襲昔各臣近因監知關市採訪胡人王及庶人皆依其本國儀形服飾丹青模寫為西域圖記共成二

卷合四十四國仍別造地圖窮其要害縱橫所目將二萬里良由富商大賈周遊經涉故諸國之事罔不徧知發自敦煌至于西海凡為三道各有襟帶北道從伊吾經蒲類海鐵勒部突厥可汗庭度北流河水至拂林國達于西海其中道從高昌焉耆龜茲疏勒度蔥嶺又經鏘汗蘇對沙那國康國曹國何國大小安國穆國至波斯達于西海其南道從鄯善于闐朱俱波唱槃陀度蔥嶺又經護密吐火羅挹怛怛延漕國至北婆羅門達于西海其三道諸國亦各自有路故知伊吾高昌鄯善並西域門戶也

楊元感

元感楊素子體貌雄偉美鬚髯少時人多謂之癡其父母獨曰此兒不癡也長好讀書善騎射性雖驕倨而愛重文學四方知各士多趨其門見朝綱漸紊帝多猜忌輒有異志帝時好征伐元感欲立威名陰求將領謂兵部尚書段文振曰世荷國恩庶幾執鞭行陳可圖報塞

文振為言于上上喜曰相門有相將門有將故自不虛
于是征遼之役遂命元感督運黎陽逆謀決于此元
感進逼東都尚書衛元率眾數萬自關中來援先以步
騎二萬挑戰元感偽北元逐之伏兵發前軍盡沒已數
日復戰戰始合元感詳令人大呼曰官軍得元感矣元
軍恍惚疑信勢稍懈元感輒帥精銳乘之元遂復大潰
元感每戰必身先士卒暗嗚叱咤當之者莫不拔靡時
以方項羽時樊子蓋屈突通來護兒等援兵前後繼
至與衛元合元感分兩軍西抗元東拒通勢遂分戰頻
北因議釋洛陽直搗關中行至弘農宮父老說曰宮城
無備多積粟元感信為然留攻之三日不克而追兵至
遂大敗獨以數十騎走人林莽間窘迫無復之顧謂弟
科尸事去矣吾不能受人侮辱汝可殺我積善遂抽
刃入屍房彦謙東都市

房彦謙
彦謙仕大業中知王綱不振遂棄官去結廬蒙山隱居
求志嘗從容獨笑謂其子元齡曰人皆因祿富吾獨以
官貧所遺子孫惟此清曰耳文章祇廓闡雅有古人深

致工草隸人得其尺牘者皆寶玩之所交皆知名士雖
冠蓋成列而絕無雜賓也初平陳天下一統論者皆誇
大平之盛彦謙獨謂李少通曰天下方憂危亂耳少通
初不謂然已卒驗

鄭善果母
母崔氏年十三歸鄭誠生善果二十而寡寡節操識大
體善果為景州刺史每出聽事母恒在後察之一日聞
其妾瞋母即蒙被泣終日不食善果伏不敢起母乃起
詰之曰吾非怒汝恨愧汝家耳汝父在官清恪以身狗
國吾寡婦有慈無威汝自童子便襲茅上位方伯豈汝
身致之安得不念及此而妄瞋怒內墮家風外虧國法
吾死何以見汝先人善果乃頓首受命

隋外國

鞞鞋
鞞鞋有七種惟黑水部為最勁矢皆石鏃印古肅慎氏
也國多能豨豺豹然不害人水氣鹹鹽生木皮之上嚼
木為酒飲之亦醉

倭

開皇末倭遣使詣闕上合所司訪其風俗使者言其王以天為兄以日為弟天未明出聽政踟躕坐日出便停其國女多男少女入夫家必先跨大乃與夫相見國有如意寶珠色青大如鷄卵夜則有光云魚眼睛也人業三年遣使朝貢其國書曰日出處天子致書日沒處天子無恙云云帝覽之不悅

赤上

赤上在南海中俗敬佛尚華靡惟金鎖非王賜不得服用大業三年主事常駿王君政使其國就館送食以草葉為盤其大方丈王前竝設草葉盤方一丈五尺器皿俱金使還獻金芙蓉冠龍腦香鑄金為多羅葉隱起成文以為表使者歸既入海見綠魚羣飛水而浮海十餘日至林邑東南崑山而行有水濶千餘步色黃氣腥舟行一日不絕云大魚糞也又有真臘國國人以有手為淨左手為穢士多奇樹其花實皆異九真海中有建同魚四足無鱗鼻如象吸水上噴高五六十尺又有八足大魚半身出水望之如山

高昌

高昌漢車師前王庭也出赤鹽如珠白鹽如玉多葡萄酒從武威西北有捷徑度沙磧千餘里四面茫然行者干路或聞歌哭聲則皆魑魅魍魎也

吐火羅

火羅都城方二里勝兵十萬其俗兄弟同一妻迭寢焉每一人人房則挂其衣戶外以為志生子則屬長兄其山穴中有神馬牧牝馬于穴所必產名駒又有漕國其國有魚脊骨孔中可通騎出穴

西突厥

突厥木一國分為二相讐殺大業中西可汗處羅負固不朝帝因裴矩計議封射匱為大可汗以分其勢取桃竹白羽箭一枝賜射匱奇謂曰此事宜速使疾如箭也射匱得箭大喜即與兵襲處羅窮遂入朝頓首謝罪帝曰今四海既清天下一家譬如天上有一口日照臨莫不寧貼若有兩個三個日月萬物何由得安于是處羅上壽曰自天以下地以上日月所照惟有聖人可汗于歲萬歲常如今日也射匱即處羅種

隋書

